


舊唐書

傳百二十七之三十二


漢書門			
類	號	函	架
二	五	三	八
四	〇	〇	〇



內閣文庫			
類	號	冊	函
二	五	〇	四
二	五	〇	一

內閣文庫	
番號	漢 2155
冊數	40 (27)
函號	281 2

三五



綴じ部(喉部分)の文字など開きが不鮮明な箇所あり

Handwritten text in vertical columns, likely bleed-through from the reverse side of the page. The characters are small and difficult to read due to fading and the texture of the paper.




唐書列傳卷第一百二十七

淺草文庫

劉

昉

等修



開人詮校刻沈桐同校

崔慎由 父從伯父能慎由

盧鈞 第安潛慎由子

崔琪 兄暗第暗味

裴休 兄儔

楊收 兄發弟嚴嚴子

夏侯孜 子潭

劉瑒 子

杜審權 子讓能彥林弘徽

劉鄴 子

崔慎由 字敬止清河武城人高祖融位終國子司業謚曰文自有傳

會祖 字敬止清河武城人高祖融位終國子司業謚曰文自有傳

探相 拾橡實欽水棲衡而講誦不輟怡然終日不出山巖如是者十

年貞元初進士登第釋褐山南西道推官府公嚴震待以殊禮以父

憂免第兄廬于父墓手植松柏免喪不應辟命久之西川節度使韋

臯開西南夷置兩路運糧使奏從掌西山運務後權知邛州事及臯

臯開西南夷置兩路運糧使奏從掌西山運務後權知邛州事及臯

薨副使劉闢阻命欲并東川以謀告從從以書諭闢闢怒出兵攻之從嬰城拒守卒不從之高崇文平蜀從事坐累多代法惟從以拒闢免盧坦在宣州辟為團練觀察副使元和初入朝累遷吏部員外郎九年裴度為中丞奏從為侍御史知雜守右司郎中度作相用從自代為中丞從氣貌孤峻正色立朝彈奏不避權幸事關臺閣或付伏內者必抗章論列請歸有司選辟御史必先質重真退者改給事中數月出為陝州大都督府長史陝虢團練觀察使兼御史中丞賜紫金魚袋入為尚書右丞淄青賊平鎮州王承宗懼上章請割德棣二州自贖又令二子入侍憲宗選使臣宣諭以從中選議者以承宗罪惡貫盈每多姦譖入朝二子必非血胤人頗憂之從次魏州田弘正以路由寇境欲以五百騎援之從辭之以童奴十數騎徑至鎮州於鞠場宣勅三軍大集從諭以逆順辭情慷慨軍士感動承宗泣下禮貌益恭遂授德棣戶口符印而還其年八月出為興元尹御史大夫山南西道節度觀察等使監軍使知上意欲六月之每為中貴傳達

意旨欲其賂遺從終不答穆宗即位召拜尚書左丞長慶二年檢校禮部尚書鄜州刺史鄜坊丹延節度等使鄜時內接畿甸神策軍鎮相望踰禁犯法累政不能制而從撫遏舉奏軍士惕然党項羗有以羊馬來市者必先遺帥守從皆不受撫諭遣之羗羗不敢為盜四年入為吏部侍郎尋改太常卿寶曆二年檢校吏部尚書充東都留守大和三年入為戶部尚書李宗閔秉政以從與裴度李德裕厚善惡之改檢校尚書右僕射太子賓客東都分司從請告有日罷官物論咎執政宗閔懼四年三月召拜檢校左僕射兼揚州大都督府長史御史大夫克淮南節度副大使知節度事揚府舊有貨麪之利資產奴婢交易者皆有貫率羊有口算每歲收利以給用從悉除之舊制官吏祿俸有布帛加估之給節度使獨不在此例從至一例估折給之六年十月卒于鎮贈司空謚曰貞從少以貞晦恭讓自處不交權利忠厚方嚴正人多所推仰階品合立門戟終不之請四為大鎮家無妓樂士友多之

慎由大和初擢進士第又登賢良方正制科聰敏強記字量端厚有父風釋褐諸侯府大中初入朝為右拾遺員外郎知制誥正拜舍人召充翰林學士戶部侍郎再歷方鎮入朝為工部尚書十年以本官同平章事兼集賢殿大學士轉監修國史上柱國加太中大夫兼禮部尚書初慎由與蕭鄴同在翰林情不相洽及慎由作相罷鄴學士俄而鄴自判度支為平章事恩顧甚隆鄴引劉瑒同知政事十二年二月詔曰大中大夫中書侍郎兼禮部尚書同中書門下平章事監修國史上柱國賜紫金魚袋崔慎由繼美德門承家貴位搢紳偉望禮樂上流挺松筠之貞姿照蘭蓀之懿行自居名器累歷清華禁林才擅於多能綸閣詞推於巨麗物情愈茂延譽甚高再列一鄉之崇亟闡六條之化爰加契任益委重難屢啓嘉謨俄參大柄而周涉寒暑備見器能道已著於始終恩豈殊於中外可檢校禮部尚書梓州刺史兼御史大夫劔南東川節度使咸通初改為華州刺史潼關防禦鎮國軍等使加檢校司空河中尹河中晉絳節度使入為吏部尚

書移疾請老拜太子大保分司東都卒子胤弟安潛

安潛字進之大中三年登進士第咸通中累歷清顯出為許州刺史忠武軍節度觀察等使乾符中遷成都尹劔南西川節度等使黃巢之亂從僖宗幸蜀王鐸為諸道行營都統奏安潛為副收復兩京以功累加至檢校侍中龍紀初青州王敬武卒以安潛代敬武子師範拒命安潛赴鎮至棣州刺史張瞻出州兵攻青州為師範所敗朝廷竟授之節鉞安潛還京師累加太子太傅卒贈太師謚曰貞孝子杞艤杞景福中為起居郎艤為右拾遺累官至尚書從兄能少勵志苦學累辟使府元和初為蜀州刺史六年轉黔中觀察使坐為南蠻所攻陷郡邑貶永州刺史穆宗即位從扈顯列召拜將作監長慶四年九月出為廣州刺史御史大夫嶺南節度使卒子彥曾為幹高大中末歷三郡刺史咸通初累遷太僕卿七年檢校左散騎常侍徐州刺史御史大夫克武寧軍節度使彥曾之法法律性嚴急以徐軍驕命彥曾治之長於撫養而短於軍政用親吏尹戡徐行儉當要職

二人貪得不恤軍旅士卒怨之先是六年南蠻寇五管陷交趾詔徐州節度使孟球召募二千人赴援分八百人戍桂州舊三年一代至是戍卒求代尹戡以軍帑匱乏難以發兵且留舊戍十年其戍卒家人飛書桂林戍卒怒牙官許信趙可立王幼誠劉景濤寂張實王弘立孟敬文姚同等九人殺都頭王仲肅立糧料判官龐勛為都將群伍突入監軍院取兵甲乃剽相潭衡山兩縣虜其丁壯乃擅迴戈沿江自浙西入淮南界由蜀河達泗口其衆千餘人每將過郡縣先令倡卒弄傀儡以觀人情慮其邀擊既離泗口彥曾令押牙田厚簡憲諭又令都虞候元密伏兵任山館龐勛遣吏送扶啓誹以軍士思歸勢不能遏願至府外解甲歸兵便還家彥曾怒誅之勛等擁衆攻宿州陷之出官帑召募翌日得兵二千人乃虜奪舟船五千餘艘步卒在船騎軍夾岸鼓譟而進元密發伏邀之為賊所敗時亡命者歸賊如市彥曾驅城中丁男城守九年九月十四日賊逼徐州十五日後每旦大霧不開十六日彥曾並誅逆卒家口十七日昏霧尤甚賊四

面斬關而入龐勛先謁漢高祖廟便入牙城監軍張道誥相見不交一言乃止大彭館收尹戡徐行儉及判官焦璐李松崔縹温廷皓韋廷又並殺之翌日賊將趙可立害彥曾龐勛自稱武寧軍節度使慎由于胤

胤字昌遐乾寧二年登進士第王重榮鎮河中辟為從事入朝累遷考功吏部二員外郎轉郎中給事中中書舍人大順中兵部吏部二侍郎尋以本官同平章事時王室多故南北司爭權咸樹朋黨外結藩帥胤長於陰計巧於附麗外示凝重而心險躁自李茂貞王行瑜怙亂兵勢不遜杜讓能韋昭度繼遭誅戮而宰臣崔昭緯深結行瑜以自固而待胤以宗人之分屢加薦用累遷中書侍郎判戶部事昭宗出幸石門胤與同列徐彥若王搏等從車駕還宮加禮部尚書並賜號扶危匡國致理功臣三年李茂貞犯京師扈昭宗幸華州帝復雪杜讓能韋昭度李磎之枉懲昭緯之前慝罷胤政事檢校兵部尚書廣州刺史嶺南東道節度等使時朱全忠方霸於關東胤密致

書全忠求援全忠上疏理胤之功不可離輔弼之地胤已至湖南復
召拜平章事胤既獲汴州之援頗弄威權恨徐彥若王搏發昭緯前
事深排抑之俄出彥若為南海節度又撫王搏交結勅使同危宗社
令全忠上疏論之光化中貶擢溪州司馬賜死於藍田驛誅中尉宋
道弼景務修自是朝廷權政皆歸於已兼領三司使務管官側目不
勝其忿及胤李述幽昭宗於東內以德王監國季述畏全忠之強不
敢殺胤但罷知政事落使務守本官而已胤復致書於全忠請出師
反正故全忠令大將張存敬急攻晉絳河中胤以天子幽囚諸侯觀
釁有神策軍巡使孫德昭者頗怒季述之廢立胤伺知之令判官石
戩與德昭遊伺其深意每酒酣德昭泣下戩知其誠乃與之謀曰今
中外大臣自廢立已來無不忿怒至於軍旅亦懷憤性以今謀反者獨
季述仲先耳足下誅此二豎復帝寶位垂名萬代今正其時持疑不
斷則功落他人之手也德昭謝曰予軍吏耳社稷大事不敢自專如
和公委使不敢避也胤乃割衣帶手書以通其意十一月晦德昭伏

兵誅季述昭宗反正胤進位司空復知政事兼領度支監獄三司等
使明年夏朱全忠攻陷河上晉絳進兵至同華中尉韓全誨以胤交
結全忠慮汴軍逼京師請罷知政事落使務其年冬全誨挾帝幸鳳
翔胤怨帝廢黜不扈從遣使告全忠請於岐陽迎駕今太子太師盧
知猷率百官迎全忠入京師初全忠至華州遣掌書記裴鑄入奏鳳
翔言欲以兵士迎駕及入京師又上表曰臣獨兼四鎮迨事兩朝分
數千里之封疆受二十年之恩渥微同物類猶解感知忝齒人倫寧
忘報効臣昨將兵士奔赴闕庭尋過京畿遠迎車駕初因幕吏面奉
德音尋有宰臣頻飛密札或以京都紛擾委制置於中朝或以鑾輅
播遷俾奉迎於近甸臣是以遠離藩鎮不憚疲勞昨奉詔書兼宣口
勅令臣速抽兵士且歸本藩仍遣百官俾赴行在覩綸言於鳳紙若
百丹墀認御札於龍衣如親翠蓋然知從來書詔出自宰臣每降宣
傳皆非聖旨致臣悞將師旅遽入關畿比今迎駕之行翻挂脅君之
過臣今見與茂貞要約釋兩地猜嫌早致萬乘歸京以副八紘懇望

其宰臣百官已下非臣輒有阻留伏乞詔赴行朝以備還駕昭宗得
全忠表怒胤尤甚是月二十六日詔曰食君之祿合務於盡忠秉國
之鈞宜思於致理其有疊膺異渥繼執重權遽萌狂悖之心忽構傾
危之計人知不可天固難容扶危定亂致理功臣開府儀同三司守
司空兼門下侍郎同平章事充太清宮使弘文館大學士延資庫使
諸道監鐵轉運等使判度支上柱國魏國公食邑五千戶崔胤奕葉
公台蟬聯珪組冠歲名升於甲乙壯年位列於公卿趨向有聞行藏
可尚朕採於群議詢彼輿情有異小康遂登大用殊不知滿厄難滿
小器易盈曾無報國之心但作危邦之計四居極位一無可稱豈有
都城合聚兵甲暗養死士將亂國經聚貔武以保其一坊致刁斗遠
連於右輔始則將京兆府官錢委元規召卒後則用度支使權利令
陳班聚兵事去公朝權歸私室百辟休戚由其顧盼之間四方是非
繫彼指呼之際令狐渙姦織有素操守無堪用作腹心共張跋勢遂
令監居深密日在禁闈罔惑朕躬僞行書記致茲播越職爾之由也

有權重位崇恩深獎厚曾無惕厲轉恣睢盱顯構外兵將圖不軌朕
以士庶流散兵革繁多遂命宰臣與之商議五降內使一貢表章堅
卧不來拒召如此况又拘留庶吏廢闕晨趨人既奔驚朕須巡幸果
見兵纏輦轂火照宮闈煙塵漲天干戈匝野致朕奔迫及於岐陽羣
輦未安鐵騎旋至圍逼行在焚燒屋廬觀此卽危咎將誰執近省全
忠章表兼遣幕吏敷陳言宰臣繼飛密緘促其兵士西上靜詳構扇
孰則苞藏無功及人為國生事於戲君人之道委之宰衡庶務殷繁
豈能親理盡將機事付爾主張負我何多構亂至此仍存大體不謂
無恩可責授朝散大夫守工部尚書初天復反正之後宦官尤畏危
事無大小咸稟之每內殿奏對夜則繼之以燭常說昭宗請盡誅內
官但以宮人掌內司事中尉韓全誨張弘彥袁易簡等同知之於
前求哀請命乃詔胤密事進囊封勿更口奏宦官無由知其謀乃求
知書美婦人進內以偵陰事由是胤謀頗洩宦官每相聚流涕愈不
自安故全誨等為劫幸之謀由胤忌嫉之太過也及全忠攻鳳翔胤

寓居華州為全忠書圖王之策天復二年全忠自岐下還河中嘗過
謁于渭橋捧卮上壽持板為全忠唱歌仍自撰歌辭贊其功業三年
李茂貞殺韓全誨等與全忠通和昭宗急詔徵胤赴行在凡四詔
三賜朱書御札稱病不赴及帝出鳳翔胤乃迎於中路即日除
舊官知政事進位司徒兼判六軍諸衛事仍詔移家入左軍賜
器用十車胤奏京兆尹鄭元規為六軍副使胤與全忠奏罷左右
策內諸司等使及諸道監軍副監小使內官三百餘人同日斬之
內侍省諸道監軍隨處斬首以聞昭宗初幸鳳翔命盧光啓等
蘇檢等作相及還京胤皆貶斥之又貶陸扆為沂王傅王溥太子賓
客學士薛貽矩夔州司戶韓偓濮州司戶姚洎景王府咨議應從幸
群官貶逐者二十餘人唯用裴贄為相以其孤立易制也內官既盡
屠戮諸使悉罷天子宣傳詔命惟令宮人龍顏等宣事而欺君蠹國
所不忍聞胤所悅者聞其下輩所惡者正人君子人人悚懼朝不保
夕其年十月全忠子女倫宿衛京師因擊鞠墜馬而卒全忠愛之殺

會鞠者十餘人而疑胤陰謀山田是怒胤初天子還宮全忠東歸胤以
事權在已慮全忠急於篡代乃與鄭元規謀招致兵甲以干茂貞為
辭全忠知其意從之胤毀城外木浮圖取銅鐵為兵仗全忠令汴州
軍人入關應募者數百人及久倫死全忠怒遣其子宿衛軍使友諒
誅胤而應募者突然而出四年十月初貶太子賓客尋為汴軍所殺
胤傾險樂禍外示寬弘初拜平正董事其季父安潛謂所親曰吾父兄
刻苦樹立門戶一旦終當為相所壞果如其言胤累加至侍中封
魏國公初朱全忠雖竊有河上四方鎮憚河朔河東未萌問鼎之志及
得胤為鄉導乃電擊潼關始移國自古與盜合從覆亡宗社無如
胤之甚也子有鄰

崔珙博陵安平人祖懿父頊上貞元初進士登第元和初累官至少府
監四年出為同州刺史卒頊有子八人皆至達官時人比漢之荀氏
號曰八龍長曰瑄貞元十八年進士擢第又制策登科釋褐諸侯府
入朝為尚書郎大和初累遷中宣慰幽州稱臣俄而興元兵亂

殺李絳命瑄平亂襄中三軍一叔然從命使還改工部侍郎四年冬拜
京兆尹五年四月改尚書右丞六年十二月出為江陵尹御史大夫
荆南節度使八年入為兵部侍郎轉吏部權判左丞事開成二年直
拜左丞時弟珙為京兆尹兄弟並居顯列以本官權判兵部西銓吏
部東銓事三年檢校戶部尚書判東都尚書省事東都留守東畿汝
都防禦等使會昌中遷銀青光祿大夫檢校吏部尚書興元尹充山
南西道節度使以弟珙罷相貶官瑄以罷鎮歸東都五年卒詔曰孔
氏以顏冉之行者於四科漢代以荀陳之門方之八凱乃睠時哲得
茲今名用舉飾終之恩以抒穢良之歎故山南西道節度使崔瑄誠
明履正粹密鄰幾有子政之精忠得公綽之不欲禮樂二事以為身
文仁義五常自成家範往以戎器列于大寮屬賢相受誣廟堂議法
由長孺之道以估正人微京兆之言豈聞非罪既是魏其之直益彰
王鳳之邪莊色于朝群公聳祝謹詞不撓淑問攸歸歷踐名藩皆留
遺愛居常慎獨清則畏知爰自青衿迄于白首厲翼之志始終不渝

示步台階實辜公論追榮左相式示一隆宗可贈尚書左僕射

珙瑄之弟也以書判拔萃高等累佐使府性威重尤精吏術大和
初累官泗州刺史入為太府卿七年正月拜廣州刺史嶺南節度使
延英中謝帝問以撫理南海之宜珙奏對明辯帝深嘉之時高瑒鎮
徐州承智興之後軍驕難制軍士數犯法上欲擢威望之帥以臨之
久難其才會珙言事慷慨謂宰臣曰珙言事神氣精爽比可以臨
徐人即以王茂元代珙鎮廣南授珙兼檢校工部尚書徐州刺史兼
御史大夫充武寧軍節度徐泗濠觀祭使開成初就加檢校兵部尚
書二年檢校吏部尚書右金吾大將軍充街使六月遷京兆尹是歲
京畿旱珙奏漕水入內者十分量減九分賜貧民漑田從之三年正
月盜發親仁里欲殺宰相李石石賊出於禁軍珙坐捕盜不獲罰俸
料會昌初李德裕用事與珙親厚累遷戶部侍郎充諸道鹽鐵轉運
等使尋以本官同中書門下平章事兼刑部尚書門下侍郎進階
銀青光祿大夫兼尚書左僕射兼御史中丞及李讓夷引鉉輔政

代瑛領使務乃荷撫瑛領使日妄破宋滑院鹽鐵錢九十萬貫文又言瑛嘗保護劉從諫坐貶澧州刺史三升貶恩州司馬宣宗即位以赦召還為太子賓客出為鳳翔節度使二年崔鉉復知政事瑛辭疾請罷制曰將相六巨與國同體誠欲自便豈宜不從苟非其時涉干避事前鳳翔隴州節度觀察處置等使光祿大夫檢校尚書右僕射兼鳳翔尹御史大夫上柱國安平郡開國公食邑二千戶崔瑛早以器能周歷顯重行已每稱其反悖在公亦竭其精忠自負譴前朝遠移南徼及我嗣守頗聞嘉名由是剖竹近關揚旂右輔為國垣翰適資謀猷近者大戎輸誠歸我故地下議納款且籌關疆宜其率先啓行副此寵待忽覽退閑之請頗乖毗倚之誠陳力之方豈無其道匪躬之故或異於是以其故老特為優容俾居青宮之輔仍從分洛之命君臣禮分予無愧焉可太子少師分司東都未幾卒子洵大中四年進二擢第瑛第瑁瑁瑁球向

方鎮瑛開成初為吏部郎中轉給事中會昌初出為陝虢觀察使河南尹入為御史中丞轉吏部侍郎大中初改兵部侍郎充諸道鹽鐵轉運使崔鉉再輔政罷瑛使務檢校兵部尚書兼河中尹御史大夫克河中晉絳磁隰等州節度觀察使七年入為左丞再遷刑部尚書子滔大中初登進士第瑛字朗士長慶初進士擢第又制策登科開成累遷至禮部員外郎會昌初以考功郎中知制誥拜中書舍人大中五年遷禮部侍郎六年選士時謂得士七年權知戶部侍郎進封博陵王食邑五百戶轉兵部侍郎子滔澹大中十三年登進士第累遷禮部員外郎位終吏部侍郎澹子遠遠龍紀元年進士登第大順初以員外郎知制誥召克翰林學士正拜中書舍人乾寧三年轉戶部侍郎博陵縣男食邑三百戶轉兵部侍郎承旨尋以本官同平章事遷中書侍郎兼吏部尚書六祐初從昭宗東遷洛陽罷相守右僕射二年為柳璨希朱全忠言奏貶白州

長史行至滑州被害於白馬驛遠文才清麗風神峻整人少慕其為人當時日為釘壓梨言席上之珍也

球字叔休寶曆二年登進士第會昌中為鳳翔節度判官入朝為尚書郎子瀆瀆大中末亦進士登第崔氏咸通乾符間昆仲子弟紆組拖紳歷臺閣踐藩獄者二十餘人大中已來盛族時推甲等

盧鈞字子和本范陽人祖炅父繼鈞元和四年進士擢第又書判拔萃調補校書郎累佐諸侯府大和五年遷左補闕與同職理宋申錫之枉由是知名歷尚書郎出為常州刺史九年拜給事中開成元年出為華州刺史潼關防禦鎮國軍等使其年冬代李從易為廣州刺史御史大夫嶺南節度使南海有蠻舶之利珍貨輻湊舊帥作法與利以致富凡為南海者靡不捆載而還鈞性仁恕為政廉潔請監軍領市舶使已一不預自貞元已來衣冠得罪流放嶺表者因而物故子孫貧悴雖遇赦不能自還凡在封境者鈞減俸錢為營構積其家疾病死喪則為之醫藥殯殮孤兒稚女為之婚嫁凡數百家由是

山越之俗服其德義今不嚴而人化三年將代華蠻數千人詣闕請立生祠銘功頌德先是土人與蠻獠雜居婚娶相通吏或撓之相誘為亂鈞至立法俾華蠻異處婚娶不通蠻人不得立田宅由是徼外肅清而不相犯會昌初遷襄州刺史山南東道節度使四年誅劉稹以鈞檢校兵部尚書兼潞州大都督府長史昭義節度澤潞邢沁慈觀察等使是冬詔鈞出潞軍五千戍代北鈞升城門設送其家設愷觀之路卒素驕因與家人訣別乘醉倒戈攻城門監軍以州兵拒之至晚撫勞方定詔鈞入朝拜戶部侍郎判度支遷戶部尚書大中初檢校尚書右僕射汴州刺史御史大夫宣武軍節度宋亳汴穎觀等使就加檢校司空四年入為太子少師進位上柱國范陽郡開國公食邑二千戶六年復檢校司空太原尹北都留守河東節度使九年詔曰河東軍節度使盧鈞長才博達敏識宏深藹山河之靈抱瑚璉之器多能不耀用晦而彰由嶺表而三太原五換節鉞仁聲載路公論彌高藩垣之和氣不衰亭閣之清風常在宜升揆路以表群寮

可尚書左僕射鈞踐歷中外事功益茂後輩子弟多至台司至是急
徵謂當輔弼雖居端揆心殊失望常移病不視事與親舊遊城南別
墅或累日一歸宰臣今孤縮惡之乃罷僕射仍加檢校司空守太子
太師物議以鈞長者罪絢弄權絢懼十一年九月以鈞檢校司徒同
中書門下平章事與元尹充山南西道節度使入為太子太師卒
裴休字公美河內濟源人也祖宣父肅肅貞元中自常州刺史兼御
史中丞越州刺史浙東團練觀察等使時山賊栗錚誘山越為亂陷
浙東邵縣肅召州兵討平之因紀其事號平戎記上之德宗嘉賞肅
生三子儁休休皆登進士第休志操堅正童齒時兄弟同學于濟源
別墅休經年不出墅明晝講經籍夜課詩賦虞人有以鹿贖儁者儁
俵魚之召休食休曰我等窮生菜食不充今日食肉翌日何繼無宜
改饌獨不食長慶中從鄉賦登第又應賢良方正升甲科大和初歷
諸藩辟召入為監察御史右補闕史館修撰會昌中自尚書郎拜
數郡大中初累官戶部侍郎允諸道鹽鐵轉運使轉兵部侍郎至

史大夫領使如故六年八月以本官同平章事判使如故自大和已
來重臣領使者歲漕江淮米不過四十萬石能至渭河倉者十不三
四漕吏狡蠹敗弱百端官舟沉溺者歲七十餘隻緣河姦吏大紊割
晏之法洎休領使分命僚佐深按其弊因是所過地里悉令縣令兼
董漕事能者獎之自江津達渭口以四十萬之傭歲計緡錢二十八
萬貫悉使歸諸漕吏巡院無得侵牟舉新法凡十條奏行之又立稅
茶法十二條奏行之物議是之初休典使三歲漕米至渭河倉者一
百二十萬斛更無沉舟之弊累轉中書侍郎兼禮部尚書休在相位
五年十年罷相檢校戶部尚書汴州刺史御史大夫充宣武軍節度使
其年冬進階金紫光祿大夫上柱國河東縣子食邑五百戶守太子
少保分司東都十一年冬檢校戶部尚書潞州大都督府長史御史
大夫充昭義節度潞磁邢洺觀察使十三年十月加檢校吏部尚書
太原尹北都留守河東節度觀察等使十四年八月以本官兼鳳翔
尹充鳳翔隴州節度使咸通初入為戶部尚書累遷吏部尚書太子

少師卒休性寬惠為官不尚嚴察而吏民畏服善為文長於書翰自成筆法家世奉佛休尤深於釋典太原鳳翔道名山多僧寺視事之隙遊踐山林與義學僧講求佛理中年後不食葷血常齋戒屏嗜慾香爐貝典不離齋中詠歌贊頌以為法樂與尚書紇于裒皆以法號相字時人重其高潔而鄙其太過多以詞語嘲之休不以為忤休字冠識亦登進士第休子改

楊叔字藏之同州馮翊人自言隋越公素之後高祖悟虛應賢良制科擢第位終朔州司馬曾祖幼烈位終寧州司馬祖藏器邠州三水丞父遺直位終濠州錄事叅軍家世為儒遺直客於蘇州講學為事因家于吳遺直生四子發假收嚴

發字至之大和四年登進士第又以書判拔萃釋褐校書郎湖南觀察推官再辟西蜀從事入朝為監察轉侍御史累遷至禮部郎中大中三年改左司郎中宣宗追尊順宗憲宗等尊號禮院奏廟中神主已題舊號請改造及重題詔禮官議發與都官郎中盧摶獻議曰臣

等伏尋舊典粟主升祔之後在禮無改造之文亦無重加尊謚改題神主之例文之曠古莫無其文周加太王王季文王之謚但以德合王周遂加主號未聞改謚易主且文物大備禮法可稱最在兩漢並無其事光武中興都洛陽遣大司馬鄧禹入關奉高祖已下十一帝后神主祔洛陽宗廟蓋神主不合新造故也自魏晉迄於周隋雖代有放恣之君亦有知禮講學之士不聞加謚追尊改主重題書之史策可以覆視今議者以東晉重造鄭太后神主事為證伏以鄭太后本瑯琊王妃薨後已祔瑯琊廟其後母以子貴將升祔太廟賀循請重造新主改題皇后之號備禮告祔當時用之伏以諸侯廟主與天子廟主長短不同若以王妃八寸之主上配至極禮似不同時諂神貪君之私用此謬禮改造神主比量晉事又絕非宜且宣懿非穆宗之后實武宗之母毋以子之貴已祔別廟正為得禮饗薦無虧今若從祀至尊題主稱為太后因臣因子正得其宜今乃別造新主題去太字即是穆宗上僊之後臣下追致作嬪之禮瀆亂正經實驚

有識臣當時並列朝行實知謬戾以漢律擅論宗廟者以大不敬論
又其時無詔下議遂默塞不敢出言今又欲重用東晉謬禮穢媒聖
朝大典猥蒙下問敢不盡言臣謹按國朝前例甚有明文武德元年
五月備法駕於長安通義里舊廟奉迎宣簡公懿王景皇帝神主升
祔太廟既言於舊廟奉迎足明必奉舊主其加諡追尊之禮自古本
無其事自則天太后攝政之後累有之自此之後數用其禮歷檢國
史並無改造重題之文若故事有之無不書於簡冊臣等愚見宜但
告新謚于廟而止其改造重題之文開元初太常卿韋縉以高宗廟
題武后神主云天后聖帝武氏縉奏請削去天后聖帝之號別題云
則天順聖皇后武氏詔從之即不知其時削舊題即重造主耶亦不
知用何代典禮禮之疑者決在宸衷以臣所見但以新謚寶冊告陵
廟正得其宜改造重題恐非禮意時宰相覆奏就神主改題而知禮
者非之以發議為是改授太常少卿出為蘇州刺史蘇發之鄉里也
長慈幼人士稱之還改福州刺史福建觀察使甌閩之人美其能

政者老以善績聞朝廷以發長於邊事移授廣州刺史嶺南節度使
屬前政不率蠻夏咸怨發以嚴為理軍亂為軍人所囚致於郵舍坐
貶婺州刺史卒于治所子乘亦登進士第有俊才尤能為歌詩歷顯
職

假字仁之進士擢第故相鄭覃刺華州署為從事從覃鎮京口得大
理評事入為監察轉侍御史由司封郎中知雜事轉太常少卿出為
常州刺史卒官初遺直娶元氏生發假繼室長孫氏生收嚴收長六
尺二寸廣額深頤踈眉秀目寡言笑方於事上傳聞強記初家寄涇
陽甚貧收七歲喪父居喪有如成人而長孫夫人知書親自教授十
三略通諸經義善於文誅吳人呼為神童兄發戲令誅蛙即曰兔邊
分王樹龍底糴銅儀會當同鼓吹不復問官私又令誅筆仍賦鑽字
即曰雖匪囊中物何堅不可鑽一朝操政事定使冠三端每良辰美
景吳人造門觀神童請為詩什觀者感歎其藩收嘲曰爾幸無羸角
何用觸吾藩若是升堂應自得門收以毋奉佛幼不食肉毋亦

勗之曰侯爾登進士第可肉食也收以仲兄假未登第久之不從鄉賦開成未假擢第是久收之長安明年一舉登第年纔二十六時發為潤州從_中因家金陵收得第東歸路由淮右故相司徒杜琮鎮揚州延收署_中度推官奏授校書郎琮領度支以收為巡官琮罷相鎮東蜀奏授_中書記得協律郎琮移鎮西川復管記室宰相馬植奏授渭南尉充集賢校理改監察御史收辭曰僕兄弟進退以義頃仲兄假鄉賦未第收不出衡門今假從事侯府僕不忍先為御史相公必欲振恤孤生俟僕稟兄旨命可也馬公嘉之收即密達意於西蜀杜公願復為叅佐琮即表為節度判官馬公乃以收弟嚴為渭南尉集賢校理代收之任周墀罷相鎮東蜀表嚴為掌書記墀至鎮而琮卒乃辟嚴為觀察判官兄弟同幕為兩使判官時人榮之俄而假自浙西觀察判官入為監察御史收亦自西川入為監察兄弟並居憲府特為新例裴休作相以收深於禮學用為太常博士時收弟嚴亦自揚州從事入為監察尋丁母喪歸蘇州既除崔珙罷相鎮淮南以收

為觀察支使入為侍御史改職方員外郎分司東都宰相夏侯孜領度支用收為判官罷職改司勳員外郎長安令秩滿改吏部員外郎上言先人未葬旅殯毗陵擬遷卜於河南之偃帥請兄弟自往從之及葬東周會葬者千人時故府杜琮夏侯孜皆在洛二公聯薦收於執政宰相令狐綯用收為翰林學士以庫部郎中知制誥正拜中書舍人賜金紫轉兵部侍郎學士承旨左軍中尉楊玄价以收宗姓深左右之乃加銀青光祿大夫中書侍郎同平章事累遷門下侍郎刑部尚書收以交趾未復南蠻擾亂請治軍江西以壯出嶺之師乃於洪州置鎮南軍屯兵積粟以餉南海天子嘉之進位尚書右僕射太清太微宮使弘文館大學士晉陽縣男食邑三百戶收居位稍務華靡頗為名輩所譏而門吏僮奴倚為姦利時楊玄价弟兄掌機務招來方鎮之賂屢有請託收不能盡從玄价以為肯已由是傾之八年十月罷知政事檢校工部尚書出為宣歙觀察使韋保衡作相又發收陰事言前用_中為江西節度納賂百萬明年八月貶為端州司

馬尋盡削官封長流驪州又令內養郭全穆齋詔賜死九年三月十五日全穆追及之宣詔訖收謂全穆曰收爲宰相無狀得死爲幸心所悲者弟兄淪喪將盡只有弟嚴一人以奉先人之祀予欲昧死上座天聽可容一刻之命以俟秉筆乎全穆許之收自書曰臣畎畝下才謬當委任心乖報國罪積彌天特舉朝章賜之顯戮臣誠悲誠感頓首死罪臣出自寒門旁無勢援幸逢休運累污清資聖獎曲流遂叨重任上不能罄輸臣節以答寵光下不能迴避禍胎以延俊乂苟利刀素頻歷歲時果至聖朝難寬大典誠如一死未塞深愆固不合將泉壤之詞上塵天聽伏乞陛下哀臣愚蠢稍緩雷霆臣頃蒙擢在台衡不敢令弟嚴守官闕下旋蒙聖造今刺浙東所有罪愆是臣自負伏乞聖慈貸嚴微命臣血屬皆幼更無近親只有弟嚴才力庭梓家族所恃在嚴一人俾存歿由全在陛下弘覆臣無任魂魄望恩之至全穆復奏懿宗愍然宥嚴判官朱備常潯閩均族人楊公慶嚴季寔楊全益何紆玄李孟勳馬全祐李羽王彥復等皆配流嶺表收子

鑒鉅鏐皆登進士第鉅乾寧初以尚書郎知制誥召克翰林學士拜中書舍人戶部侍郎封晉陽男食邑三百戶從昭宗東遷爲左散騎常侍卒鏐登第後補集賢校理藍田尉乾寧中累遷尚書郎嚴字稟之會昌四年進士擢第是歲僕射王起典貢部選士三十人嚴與楊知至竇緘源重鄭朴五人試文合格物議以子弟非之起覆奏武宗勅曰楊嚴一人可及第餘四人落下嚴釋褐諸侯咸通中累遷吏部員外轉郎中拜給事中工部侍郎尋以本官充翰林學士兄収作相封章請外職拜越州刺史御史中丞浙東團練觀察使收罷相貶官嚴坐貶召州刺史收得雪嚴量移吉王傅乾符四年累遷兵部侍郎五年判度支其年病卒二子涉汪涉乾符二年登進士第昭宗朝累遷吏部郎中禮刑二侍郎乾符四年改吏部侍郎天祐初轉左丞從昭宗遷洛陽改吏部尚書輝王即位本官平章事加中書侍郎涉性端厚秉禮乾寧之後賊臣竊發王室寢微及天祐東遷大事去矣涉爲時所嬰不能自退及命相之日與家人相向灑泣曰吾

不能脫此網羅禍將至矣謂其子凝式曰今日之命吾家重不幸矣必累爾等涉謙退善處竟以令終注中和二年進士登第昭宗朝累官考功員外州部郎中尋知制誥正拜中書舍人召充翰林學士累遷戶部侍郎輝王纘曆兄涉為宰相注避嫌辭內職守戶部侍郎韋保衡者字蘊用京兆人祖元貞父愨皆進士登第愨字端士大和初登第後累佐使府入朝亟歷臺閣大中四年拜禮部侍郎五年選士頗得名人載領方鎮節度卒保衡咸通五年登進士第累拜起居郎十年正月尚懿宗女同昌公主郭淑妃所生妃有寵出降之日傾宮中珍玩以為贈送之資尋以保衡為翰林學士轉郎中正拜中書舍人兵部侍郎承旨不朞年以本官平章事保衡恃恩權素所不悅者必加排斥王鐸貢舉之師蕭遘同門生以素薄其為人皆擯斥之以楊收路巖在中書不加禮接媒孽逐之自起居郎至宰相二年之間階至特進扶風縣開國侯食邑二千戶集賢殿大學士十一年八月公主薨自後恩禮漸薄咸通末淮徐盜起素所怨者發其陰

在中書人吏稍散鄭覃曰耳目頗異且宜出立石曰事勢不可知但宜堅坐鎮之冀將寧息若宰相亦走則中外亂矣必若繼亂走亦何逃任重官崇人心所屬不可忽也石視簿書沛然自若京城無賴之徒皆戎服兵仗北望闕門以俟變內使連催閉皇城門金吾大將軍陳君賞率其徒立望仙門下謂中使曰假如有賊閉門不晚請徐觀其變無宜自弱晡晚方定是日苟非石之鎮靜君賞之禦侮幾將亂矣開成元年改元大赦石等商量節文放京畿一年租稅及正至端午進奉並停三年其錢代充百姓紐配錢諸道除藥物口味茶菓外不得進獻諸司宣索製造並停三年赦後紫宸宣對鄭覃曰陛下改元御殿全放京畿一年租稅又停天下節鎮進奉恩澤所該實當要功近年赦令皆不及此上曰朕務行其實不欲崇長空文石對曰赦書須內置一本陛下時省覽之十道黜步使發日付與公事根本令與長吏詳擇施行方盡利害之要石以從前德音雖降人君不能守姦吏從而違之故有內置之奏以諷之尋加中書侍郎集賢殿大學

無効收之下獄兩家宗族枝蔓盡捕三百餘人往牢皆滿瞻召諫官
今上疏無敢極言瞻自上疏曰臣聞修短之期人之定分賢愚共一
今古攸同喬松薜花稟氣各異至如籤鏗壽考不因有智而延齡顏
子早亡不為不賢而促壽此皆含靈稟氣修短自然之理也一昨同
昌公主久嬰危疾深軫聖慈聖慈無徵幽明遠隔陛下過鍾宸愛痛
切追思爰責鑿工今從嚴憲然韓宗召等因緣藝術備荷寵榮想於
詠候之時無不盡其方術亦欲病如沃雪藥暫通神其奈禍福難移
竟成差跌原其情狀亦可哀矜而差悞之愆死未塞責自陛下雷霆
一怒朝野震驚囚九族於狴牢囚兩人之藥悞老幼械繫三百餘人
咸云宗召荷恩之日寸祿不霑進藥之時又不同議此乃禍從天降
罪匪已為物議沸騰道路嗟嘆陛下以寬仁厚德御宇十年四海萬
邦咸歌聖政何事遽移前志頓易初心以達理知命之君涉肆暴不
明之謗且殉宮女而違道囚平人而結冤此皆陛下安不思危忿不
顧難者也陛下信崇釋典留意生天大要不過喜捨慈悲方便布施

不生惡念所謂福田則業累盡消生切利比居濁惡未可同年伏
望陛下盡釋繫囚易怒為喜虔奉空王之教以資愛主之靈中外臣
寮同深懇激帝閱疏大怒即日罷瞻相位檢校刑部尚書同平章事
江陵尹充荆南節度等使再貶康州刺史量移虢州刺史入朝為太
子賓客分司翰林學士戶部侍郎鄭畋右諫議大夫高相比部郎中
知制誥楊知至禮部郎中魏營兵部員外張頴刑部員外崔彥融御
史中丞孫瑄等皆坐瞻親善貶逐京兆尹溫璋仰藥而卒
劉瑒者彭城人祖璠父煇瑒開成初進士擢第會昌末累遷尚書郎
知制誥正拜中書舍人大中初轉刑部侍郎瑒精於法律選大中已
前二百四十四年制勅可行用者二千八百六十五條分為六百四
十六門議其輕重別成一家法書號大中統類奏行用之出為河南
尹遷檢校工部尚書汴州刺史宣武軍節度使十一年五月加檢校
禮部尚書太原尹北都留守河東節度觀察等使其年十二月入朝
拜戶部侍郎判度支尋以本官同平章事領使如故十二年累加集

賢殿大學士罷相又歷方鎮卒第頊亦登進士第

曹確字剛中河南人父景伯貞元十九年進士擢第又登制科確開成二年登進士第歷聘藩府入朝為侍御史以工部員外郎知制誥轉郎中入內署為學士正拜中書舍人賜金紫權知河南尹事入為兵部侍郎咸通五年以本官同平章事加中書侍郎監修國史確精儒術器識謹重動循法度懿宗以伶官李可及為威衛將軍確執奏曰臣覽貞觀故事太宗初定官品令文武官共六百四十三員顧謂房玄齡曰朕設此官員以待賢士工商雜色之流假令術踰儕類止可厚給財物必不可超授官秩與朝賢君子比肩而立同坐而食大和中文宗欲以樂官尉遲璋為王府率拾遺竇洵直極諫乃改授光州長史伏乞以兩朝故事別授可及之官帝不之聽可及善音律尤能轉喉為新聲音辭曲折聽者忘倦京師屠沽效之呼為拍彈同昌公主除喪後帝與淑妃思念不已可及乃為歎百年舞曲舞人珠翠盛飾者數百人畫魚龍地衣用官絁五千匹曲終樂闋珠璣覆地詞

語悽惻聞者涕流帝故寵之嘗於安國寺作菩薩蠻舞如佛降生帝益憐之可及嘗為子娶婦帝賜酒二銀樽啓之非酒乃金翠也人無敢非之者唯確與中尉西門季玄屢論之帝猶顧待不衰僖宗即位崔彥昭奏逐之死於嶺表確累加右僕射判度支事在相位一年九年罷相檢校司徒平章事潤州刺史鎮海軍節度觀察等使以出師扞龐勛功就加太子太師弟汾亦進士登第累官尚書郎知制誥正拜中書舍人出為河南尹遷檢校工部尚書許州刺史忠武軍節度觀察等使入為戶部侍郎判度支弟兄並列將相之任人士榮之確與畢誠俱以儒術進用及居相位廉儉貞苦君子多之稱為曹畢畢誠者字存之鄆州須昌人也伯祖構高宗時吏部尚書構弟栩鄆王府司馬生凌凌為分州長史生勻為協律郎勻生誠少孤貧燃薪讀書刻苦自勵既上博通經史尤能歌詩端慤好古交遊不雜大和中進士擢第又以書判選萃尚書杜琮鎮許昌辟為從事琮領度支誠為巡官琮鎮揚州又從之琮入相誠為監察轉侍御史武宗朝宰

相李德裕專政出琮為東蜀節度琮之故吏莫敢錢送問訊唯誠無所顧慮問遺不絕德裕怒出誠為磁州刺史宣宗即位德裕得罪凡被譴者皆徵還誠入為戶部員外郎分司東都歷駕部員外郎倉部郎中故事勢門子弟鄙倉駕二曹居之者不悅唯誠受命恬然恭遜口無異言執政多之改職方郎中兼侍御史知雜事年召為翰林學士中書舍人遷刑部侍郎自大中末黨項彘叛屢擾河西懿宗召學士對邊事誠即援引古今論列破彘之狀上悅曰吾方擇能帥安集河西不期頗牧在吾禁署卿為朕行乎誠忻然從命即用誠為邠寧節度河西供軍安撫等使誠至軍遣使告喻叛徒諸彘率化又以邊境禦戎以兵多積穀為上策乃召募軍士開置屯田歲收穀三十萬石省度支錢數百萬詔書嘉之就加檢校工部尚書移鎮澤潞充昭義節度使二年改太原尹北都留守河東節度使太原近胡九姓為亂誠明賞罰謹斥候暮年諸部革心就加檢校尚書左僕射移授汴州刺史充宣武軍節度宋毫汴觀察等使其年入為戶部尚書領度

支月餘改禮部尚書同平章事累遷中書侍郎兵部尚書集賢大學士在相位三年十月以疾固辭位詔守兵部尚書以其本官同平章事出鎮河中十二月二十三日卒于籍時年六十二誠謹重長於文學尤精吏術在相位以同官任情不法固辭而免君子美之子紹顏知顏登進士第累歷顯官

杜審權字殷衡京兆人也國初萊成公如晦六代孫祖佐位終大理正佐生二子元穎元絳元穎穆宗朝宰相絳位終太子賓客絳生二子審權蔚並登進士第審權釋褐江西觀察判官又以書判拔萃拜右拾遺轉左補闕大中初遷司勳員外郎轉郎中知雜又以本官知制誥正拜中書舍人十年權知禮部貢舉十一年選士三十人後多至達官正拜禮部侍郎其年冬出為陝州大都督府長史陝虢都團練觀察使加檢校戶部尚書河中尹河中晉終節度使懿宗即位召拜吏部尚書三年以本官同平章事累加門下侍郎右僕射九年罷相檢校司空兼潤州刺史鎮海軍節度使蘇杭等州觀察使時徐

州戎將龐勛自桂州遠據涂四大堰南審權與淮南節度使令
狐緇荆南節度使崔鉉奉詔出師擒色賊而浙西饋運不絕繼破
徐戎賊平召拜尚書左僕射十一年制曰諸府儀同三司檢校司空
守尚書左僕射上柱國襄陽郡開國公食邑二千戶杜審權韻合黃
鍾行真白璧冲粹孕靈嶽之秀精明涵列宿之光塵外孤標雲間獨
步踐歷華貫餘二十年蓋裁名流凡幾百輩清切之任無不試重難
之務無不經靜而立名嚴以肅物絕分毫徇已之意秉尺寸度量之
懷貞方飾躬温茂繕性儉不信下畏以居高語默適時喜愠莫見頃
罷機務鎮千金陵值淮夷猖狂干戈悖起累發猛士挫彼賊鋒席備
糗糧助茲軍食深惟將相之大體頗覩文武之全才王導以蕭麗之
名不忘戎事謝安以恬澹之德亦在兵間及駟馬來朝擢居端揆嚴
重自處恬曠不渝虞芮之故都前蹤尚爾郇瑕之舊地往事依然兼
以股肱之良為吾腹心之寄改佩相印更握兵符仍五教之崇名極
一時之盛禮可檢校司徒同平章事河中尹充河中晉絳節度觀察

等使數年以本官兼許州刺史忠武軍節度觀察等使入為太子太
傅分司東都卒贈太師諡曰德三子讓能彥林弘徽讓能咸通十四
年登進士第釋褐咸陽尉宰相王鐸鎮汴奏為推官入為長安尉集
賢校理丁母憂以孝聞服闋准節度使劉鄩辟掌記室得殿中賜
緋入為監祭牛薊鎮興元奏為節度判官入為右補闕歷侍御史起
居郎禮部兵部員外郎蕭講領度支以本官判度支案黃巢犯京師
奔赴行在拜禮部郎中中書修撰尋以本官知制誥正拜中書舍人
謝日面賜金紫之服尋充翰林學士六飛在蜀關東用兵徵發招
懷書詔雲委讓能詞才敏速筆無點竄動中事機僖宗嘉之累遷戶
部侍郎從駕還京加禮部尚書進階銀青光祿大夫封建平縣開國
子食邑五百戶轉兵部尚書學士承旨沙陀逼京師僖宗蒼黃出幸
是夜讓能宿直禁中聞難作步出從駕出城十餘里得遺馬一匹無
羈勒以紳束首而乘之駕在鳳翔朱玫兵遽至僖宗急幸寶雞近臣
唯讓能獨從翌日孔緯等六七十人至郿師攻關帝幸梁漢棧道為石

協所毀崎嶇險阻之間不離左右顧謂之曰朕之失道再致播遷
險難之中卿常在側古所謂忠于所事卿無負矣讓能謝曰臣家世
歷重任蒙國厚恩陛下不以臣愚庸居近侍臨難苟免臣之恥也獲
扞牧圉臣之幸也至褒中加金紫光祿大夫改兵部侍郎同平章事
時朱玫立襄王稱制天下牧伯附之者十六七貢賦迨絕朝士纔十
數人行帑無寸金衛兵不宿飽帝垂泣側席無如之何讓能首陳大
計請以重臣使河中諭王重榮以大義果承認請雪以圖討逆京師
平拜特進中書侍郎兼兵部尚書集賢殿大學士進封襄陽郡開國
公食邑二千元駕在鳳翔李昌符作亂倏然變起讓能單步入侍時
朝臣受僞署者衆法司請行極法以成事君讓能固爭之獲全者十
七八昭宗纂嗣賜扶危啓運保乂功臣加開府儀同三司尚書左僕
射封晉國公增邑千元仍賜鐵券誅秦宗權許蔡平定加司空門下
侍郎監修國史昭宗郊禮畢進位司徒太清宮使弘文館大學士延
資庫使諸道鹽鐵轉運等使加食邑一千元明年冊拜太尉加食邑

一千戶自大略已來鳳翔李茂貞大聚兵中恃功驕恣會楊復恭之
山南茂貞欲兼有梁漢之地亟請問罪詔未允而出師昭宗怒其專
不得已而從之及山南平詔授以茂貞鎮興元徐彥若鎮鳳翔仍割
果閬兩州隸武定軍茂貞怒上章論列語辭不遜又與讓能書曰宰
相之職外撫四夷內安百姓陰陽不順猶資燮理之功宇宙將傾須
假扶持之力即萬靈舒慘四海安危盡繫朝綱咸由廟筭既為重任
方屬元臣況今國步猶艱皇居未壯曩日九衢三市草擁荒墟當時
萬戶千門霜凝白骨大負傾軼而未已沉痾綿息以無餘皆云非賢
后無以拯社稷之危非直宰無以革寰區之弊今明公捨築入夢投
竿為師踐履中台制臨外闕不究興亡之理罕聞沉斷之機蓋意有
所不平心有所未悟輒思上問願審臧謀竊見楊守亮擅舉干戈阻
艱西道將圖割據吞併東川居巴實為一窟豺狼在梁漢致十年劫
棘果聞敗衄尋控兇狂既前去而不諧思却歸而無地當道與外州
見為隔絕綱運方舉問罪兵師忽聞朝廷授武定之雙旌割果閬之

兩郡未審是何名目酬何功勞紊大國之紀綱蠹天子之州縣非特
取笑於童稚抑亦包羞於馬牛自謂奇謀信為獨見伏慮是明公嘗
凶黨無君之輩挫忠臣奉國之心要助姦邪須摧正直又聞公切於
保位利在安家商量不自於中書剗割全通於內地雖知深奧罕測
津涯亦聞駭異群情頗是喧騰衆口其悖戾如此京師百姓聞故貞
聚兵甲群情恟恟數千百人守闕門候中尉西門重遂出擁馬論列
曰乞不分割山南請姑息鳳翔與百姓為主重遂曰此非吾事出於
宰相也昭宗怒詔讓能只在中書調發畫計不歸第月餘宰相崔昭
緯陰結邪歧為城社凡讓能出一言即日達於茂貞行瑜茂貞令健
兒數百人雜市人於街崔昭緯鄭延昌歸第市人擁肩與訴曰歧帥
無罪宰相公不加討伐致都邑不寧二相與中諭之曰大啟聖上委
杜太尉等不預市豪塞簾熟視又不之識因投瓦石擊二相之輿
崔鄭下輿散走匿身獲免是日喪堂印公恨天子怒捕壯嘗誅之由
是用兵之意愈堅京師之人相與藏寶嚴刑不能已讓能奏曰陛下

初臨大寶國步未安自艱難已來且行貞元故事姑
在國門不宜起怨臣料此時未可行也帝曰政刑削弱詔令不出
門此賈生慟哭之際也又書不云乎藥不瞑眩厥疾弗瘳朕不能辱
尋度日坐觀凌弱卿為我主張調發用兵吾委諸王讓能對曰陛下
憤藩臣之倔强必欲強幹弱枝以隆王室此則中外大臣所宜戮力
以成陛下之志不宜獨任微臣帝曰卿位居元輔與朕同休共戚無
宜避事讓能泣辭曰臣待罪台司未乞骸骨者思有以報國恩耳安
敢愛身避事況陛下之心憲祖之志也但時有所不便勢有所必然
他日臣雖受晁錯之誅但不足以殄七國之患敢不奉詔繼之以死
景福二年秋上以嗣覃王為招討使神策將李鐮副之率禁軍三萬
送彥若赴鎮昭緯密與邪鳳結託心害讓能言討伐非上意出於
太尉也九月茂貞出軍逆戰王師敗于盤屋岐兵乘勝至三橋讓能
奏曰臣固預言之矣請歸罪於臣可以紓難上涕下不能已曰與卿
訣矣即日貶為雷州司戶茂貞在臨臯驛請誅讓能尋賜死時年五

十三駕自石門還京念讓能之寃追贈太師子光又曉以父杜橫不求聞達曉入梁位亦至宰輔彥林弘徽乾符中相次登進士第彥林光化中累官至尚書郎知制誥拜中書舍人天祐初為御史中丞弘徽累官至中書舍人遷戶部侍郎充弘文館學士判館事與兄同日被害

劉鄴字漢滂潤州句容人也父三復聰敏絕人幼善屬文少孤貧母有癯疾三復丐食供養不離左右久之不遂鄉賦長慶中李德裕拜浙西觀察使三復以德裕禁密大臣以所業文詣郡干謁德裕閱其文倒屣迎之乃辟為從事管記室母亡哀毀殆不勝喪德裕三為浙西凡十年三復皆從之大和中德裕輔政用為員外郎居無何罷相復鎮浙西三復從之汝州刺史劉禹錫以宗人遇之深重其才嘗為詩贈三復序曰從弟三復三為浙右從事凡十餘年徃年主公入相薦用登朝中復從公之京口未幾而罷昨以尚書員外郎奉使至潞旋承新命改轅而東三從公皆在舊地徵諸故事莫不以此因賦詩

餘引以志之又從德裕歷滑臺西蜀揚州累遷御史中丞會日中俗用事自諫議給事拜刑部侍郎弘文館學士判館事朝廷用兵誅劉稹澤潞既平朝議以劉從諫妻裴氏是裴問之妹欲原之法司定罪以劉稹之叛裴以酒食會潞州將校妻女泣告以固逆謀三復奏曰劉從諫苞藏逆謀比雖已露今推窮懲妾尤得事情據其圖謀語言制度服物人臣僭亂一至於斯雖生前幸免於顯誅而死後已從於追戮凡在朝野同深慶快且自古人臣叛逆合有三族之誅尚書曰乃有顛越不恭我則剗殄滅之無遺言無俾易種于茲新邑如此則阿裴已不得免於極法矣又况從諫死後主張征謀罪狀非一劉稹年既幼小逆節未深裴為母氏同且誠誘者廣說忠孝之道深陳禍福之原必冀惡毒不施梟會全董之乃激厲兇黨驟固叛心廣招將校之妻適有酒食之宴號哭激其多意道結其群情遂反叛黨稽不捨之誅孽童延必死之命以三同歲不就誅夷比阿裴之罪也雖以裴問之功或希減等而國家有法難從輕伏以管叔周公之

親第也。有罪而且誅之。以周公之貴尚不捨元第之罪。况裴問之力
効安能破朝廷法耶。據阿裴廢五妾之道。懷逆亂之謀。裴問如周公
之功。尚令行周公之戮。况於朝典。固在不疑。阿裴請準法從之。三復
未幾病卒。鄴六十七歲。能賦詩。李德裕尤憐之。其諸子同硯。高師學。大
中初。德裕貶逐。鄴無所依。以文章各遊江浙。每有制。作人皆稱誦。高
元裕廉察陝。號驪圍。練推官。得秘書省校書郎。咸通初。劉瞻高。據居
要職。以故人子薦為左拾遺。充翰林學士。轉尚書郎。中知制誥。正
拜中書舍人。戶部侍郎。學士。李德裕以李德裕貶。死。珠崖。大中朝。以
令狐綯當權。累有敕。宥不蒙恩。例懿宗即位。綯在方鎮。屬郊天。大赦
鄴奏論之。曰。故崖州司戶參軍李德裕。其父言甫。元和中以直道明
誠。高居相位。中外咸理。訐謨有功德。裕以偉望宏才。繼登台衮。險夷
不易。勁正無群。稟周勃厚重之姿。慕楊秉忠貞之節。頃以微累。竄工
遐荒。既而衰殘。竟歸真莫。其子憐。坐貶象州。立山縣尉。去年遇陛下
在維新之命。章作解之恩。移授郴州郴縣尉。今已沒於貶所。儻德裕

猶有親援。可期振揚。微臣固不敢上論。以招浮議。今骨肉將盡。生瀝
已空。皆傷梁戟之門。遽作荆榛之地。孤骨未歸於塋。兆一男又沒於
湘江。特乞聖明俯垂哀愍。俾還遺骨。兼賜贈官。上弘錄舊之仁。下啟
徇公之節。詔從之。鄴尋以本官領諸道鹽鐵轉運使。其年同平章事。
判度支。轉中書侍郎。兼吏部尚書。累加太清宮使。弘文館大學士。僖
宗即位。蕭倣。崔彥昭。秉政。素惡鄴。乃罷鄴知政事。檢校尚書左僕射。
同平章事。揚州大都督府長史。淮南節度使。是日鄴押班宣麻。竟通
事引鄴內殿。謝不及。笏記鄴自敘十餘句。語云。霖雨無功。深愧代天
之用。煙霄失路。未知歸骨之期。帝為之惻然。黃巢渡淮而南。詔以浙
西高駢代還。尋除鳳翔尹。鳳翔隴右節度使。以疾辭。拜左僕射。巢賊
犯長安。鄴從駕不及。與崔沆。豆盧瑑。匿於金吾將軍張直方之家。旬
日賊嚴切追捕。三人夜竄。為賊所得。迫以偽命。稱病不應。俱為賊所害。
豆盧瑑者。河東人。祖愿。父籍。皆以進士擢第。瑑大中十二年亦登進
士科。咸通末。累遷兵部員外郎。轉戶部郎中。知制誥。召充翰林學士。

正拜中書舍人乾符中累遷戶部侍郎學士承旨六年與吏部侍郎崔沆同日拜平章事宣制日大風雷雨拔樹左丞韋蟾與瑒善往賀之瑒言及雷雨之異蟾曰此應相公為霖作解之祥也瑒笑荅曰霖何甚耶及巢賊犯京師從僖宗出開遠門為盜所制乃匿於張直方之家遇害識者以風雷不令之兆也弟瓚瓚皆進士登第累歷清要瓚子革中興位亦至宰輔

史臣曰近代衣冠人物門族昌盛從題之後寔富名流而彥曾屬徐亂之秋胤接李亡之數計則繆矣天可逃乎楊劉曹畢諸族門非世胄位以藝升伏膺典墳俯拾青紫而收得位求後以至敗名行已飭躬此為深誠杜氏三世相輔太尉陷於橫流臨難忘身可為流涕贊曰漢代荀陳我朝崔杜有子有第多登宰輔裴士改節楊子敗名膏梁移性信而有徵

唐書列傳卷第一百二十七

唐書列傳卷第一百二十八

劉 昫 等修

聞人 詮校刻沈桐同校

趙隱 隱弟騰 光胤

張易 子文蔚 濟美

李蔚 燕子 滎

崔彥昭

鄭畋 畋子凝績 盧薦附

王徽

趙隱字大隱京兆奉天人也祖植建中末朱泚之亂德宗幸奉天時蒼卒變起羽衛不集數日間賊來攻城植以家人奴客奮力拒守仍獻家財以助軍賞天子嘉之賊平咸寧王渾瑊辟為推官累遷殿中侍御史貞元初遷鄭州刺史鄭滑節度使李融奏兼副使十年融病軍府之政委於植大將宋朝晏構三軍為亂中夜火發植與監軍列卒待之遲明亂卒自潰即日誅斬皆盡帝優詔嘉之入為衛尉少卿三遷尚書工部侍郎十七年出為廣州刺史兼御史大夫嶺南東道節度觀察等使卒於鎮子存約滂存約大和三年為興元從事是時

唐書列傳一百二十八

軍亂存約與節度使李絳方宴語吏報新軍亂突入府廨公宜避之絳曰吾為帥臣去之安往麾存約令遁存約曰荷公厚德獲奉賓階背恩苟免非吾志也即欲部分左右拒賊是日與絳同遇害隱以父罹非禍泣守松楸十餘年杜門讀書不應辟命會昌中父友當權要敦勉仕進方應弓招累為從事大中三年應進士登第累遷郡守尚書郎給事中河南尹歷戶兵二侍郎領鹽鐵轉運等使咸通末以本官同平章事加中書侍郎兼禮部尚書進階特進天水伯食邑七百戶隱性仁孝與弟隲尤稱友悌少孤貧弟兄力耕稼以奉親造次不干親戚既居宰輔不以權位自高退朝易衣弟兄侍毋左右歲時伏臘公卿大臣盈門通訊而大臣及母之榮無如其比乾符中罷相檢校兵部尚書潤州刺史浙西觀察等使入為太常卿轉吏部尚書累加尚書左僕射廣明中卒二十光逢光裔光胤弟隲亦以進士登第大中末與兄隱並踐省閣咸通初以兵部員外郎知制誥轉郎中正拜中書舍人六年權知貢舉七年選士多得名流拜禮部侍郎御史中

丞累遷華州刺史潼關防禦鎮國軍等使子光逢乾符五年登進士第釋褐鳳翔推官入朝為監察御史丁父憂免僖宗還京授太常博士歷禮部司勳吏部三員外郎集賢殿學士轉禮部郎中景福中以祠部郎中知制誥尋召充翰林學士正拜中書舍人戶部侍郎學士承旨改兵部侍郎尚書左丞學士如故乾寧三年從駕幸華州拜御史中丞改禮部侍郎劉季述廢立之後宰相崔胤與黃門爭權衣冠道喪光逢移疾退居洛陽閉關却掃六七年昭宗遷洛起為吏部侍郎復為左丞歷太常卿鼎沒於梁累官至宰輔封齊國公光裔光啓三年進士擢第乾寧中累遷司勳郎中弘文館學士改膳部郎中知制誥賜金紫之服弟兄對掌內外制命時人榮之季述廢立之後光胤歸洛光裔旅遊江表以避患嶺南劉隱深禮之奏為副使因家嶺外光胤大順二年進士登第天祐初累官至駕部郎中入梁歷顯位中興用為宰輔

張揚字公表河間人父君卿元和中舉進士詞學知名累歷郡守楊

會昌四年進士擢第釋褐壽州防禦判官于琮布衣時客遊壽春郡
守待之不厚謁以琮衣冠子異禮遇之琮將別謂謁曰吾餉逆旅翁
五十千郡將之惠不登其數如何謁方奉母家貧適得俸絹五十匹
盡以遺琮約曰他時出處窮達交相卹也謁累辟太原掌書記大中
朝琮為翰林學士俄登宰輔判度支琮召謁為司勳員外郎判度支
尋用為翰林學士轉郎中知制誥拜中書舍人戶部侍郎學士承旨
咸通末琮為韋保衡所構譴逐謁坐貶封州司馬保衡誅琮得雪謁
量移入朝為太子賓客遷吏部侍郎京兆尹乾符三年出為華州刺
史其年冬檢校吏部尚書鄆州刺史太平軍節度觀察等使四年卒
于鎮時年六十四子文蔚濟美貽憲

文蔚乾符二年進士擢第累佐使府龍紀初入朝為尚書郎乾寧中
以祠部郎中知制誥正拜中書舍人賜紫崔胤擅朝政與蔚同年進
士尤相善用為翰林學士戶部侍郎轉兵部從昭宗遷洛陽輝王時
拜中書侍郎平章事入梁卒濟美貽憲相繼以進士登第貽憲覆試

落籍為戶部巡官集賢校理

李蔚字茂休隴西人祖上公位司農卿元和初為陝虢觀察使父景
素大和中進士蔚開成末進士擢第釋褐襄陽從事會昌末調選又
以書判拔萃拜監察御史轉殿中監大中七年以員外郎知臺雜尋
知制誥轉郎中正拜中書舍人咸通五年權知禮部貢舉六年拜禮
部侍郎轉尚書右丞懿宗奉佛太過常於禁中飯僧親為贊唄以梅
檀為二高座賜安國寺僧徹逢入飯萬僧蔚上疏諫曰臣聞孔丘聖
者也言則引周任之言符神賢者也諫必稱王猛之議誠以事求師
古詞貴達情陛下自繼帝圖克崇佛事止當修外未甚得中臣畧採
本朝名臣啓奏之言以證奉佛初終之要天后時曾營大像功費百
萬狄仁傑諫曰夫寶鉸殫工綴飾壞材竭工輪奐功不使鬼必在役
人物不天來皆從地出非若百姓物何以求物生有時用之無度臣
每思惟實所悲痛至如往在江表像法盛興梁武簡文施捨無限及
乎三淮沸浪五嶺騰煙列剎盈衢無救危亡之禍緇衣蔽路豈益勤

王之師况近年已來風塵屢擾水旱失節征役稍繁必若多費官財
又苦人力一隅有難將何以救此切當之言一也中宗時公主外戚
奏度僧尼姚崇諫曰佛不在外求之于心佛圖澄最賢無益於後趙
羅什多藝不救於姚秦何充符融皆遭敗滅齊襄梁武未免災殃但
志發慈悲心行利益若蒼生安樂即是佛身此切當之言二也睿宗
為金仙王真二公主造二道宮辛替否諫曰自夏已來淫雨不解穀
荒干壟麥爛于場入秋已來元旱為災苗而不實霜損蟲暴草菜枯
黃下人咨嗟未加賑貸陛下愛兩女而造兩觀燒瓦運木載土填沙
道路流言皆云用錢百萬陛下聖人也遠無不知陛下明君也細無
不見既知且見知倉有幾年之儲庫有幾年之帛知百姓之間可存
活乎三邊之士可轉輸乎今發一卒以扞邊陲追一兵以衛社稷多
無衣食皆帶飢寒賞賜之間迥無所出軍旅驟貶莫不由斯而陛下
破百萬貫錢造不急之觀以賈六合之怨以違萬人之心此切當之
言三也替否又諫造寺曰釋教以清淨為基慈悲為主常體道以濟

物不利已而害人每去已以全真不營身以窒教今三時之月築山
穿池損命也殫府虛藏損人也廣殿長廊營身也損命則不茲惡損
人則不濟物營身則不清淨豈大聖至神之心乎佛書曰一切有為
法如夢幻泡影如露亦如電臣以為滅雕琢之費以賑貧人是有如
來之德息穿掘之苦以全昆蟲是有如來之仁罷管葺之直以給邊
陲是有湯武之功迴不急之祿以購清廉是有唐虞之治陛下緩其
所急急其所緩親未來而踈見在夫真實而真虛無重俗人之所為
輕天子之功業臣實痛之此切當之言四也臣觀仁傑天后時上公
也姚崇開元時賢相也替否睿宗之直臣也臣每覽斯言未嘗不廢
卷而太息痛其言之不行也伏以陛下深重縉沬妙崇佛事其為樂
善實邁前蹤但細詳時代之安危眇鑒昔賢之敷奏則思過半矣道
遠乎哉臣過忝渥恩言虧匡諫但舉從繩之義少裨負展之明管繕
之間稍宜停減優詔嘉之尋拜京兆尹太常卿尋以本官同平章事
加中書侍郎與盧攜鄭畋同輔政罷相出為襄州刺史山南東道節

度使入為吏部尚書加檢校尚書右僕射汴州刺史宣武軍節度觀察等使咸通十四年轉揚州大都督府長史淮南節度副大使知節度事乾符三年受代百姓詣闕乞留一年從之四年復為吏部尚書尋遷檢校司空東都留守東畿汝都防禦使六年河南軍亂殺崔季康詔以邠寧李侃鎮太原軍情不伏以蔚嘗為太原從事軍民懷之八月以蔚為太原尹北都留守河東節度觀察等使其年十月到鎮下車三日暴病卒弟綰從兄繪累官至刺史蔚三子渥洵澤咸通末進士及第釋褐太原從事累拜中書舍人禮部侍郎光化三年選貢士洵至福建觀察使

崔彥昭字思文清河人父豈彥昭大中三年進士擢第釋褐諸侯府咸通初累遷兵部員外郎轉郎中知制誥拜中書舍人再遷戶部侍郎判本司事彥昭長於經濟儒學優深精於吏事前治數郡所益有聲動多遺愛十年檢校禮部尚書孟州刺史河陽懷節度使進階金紫十二年正月加檢校刑部尚書太原尹北都留守河東節度管内

櫛容彥昭使時徐泗用兵之後北戎多寇邊沙陀諸部動干紀律彥昭柔以恩惠來以兵威三年之間北門大治軍民歌之考滿受代耆老數千詣闕乞留詔報曰彥昭早著令名累更劇任入司邦計開張用經緯之文出統藩維撫馭得韜鈴之術自臨并部殷若長城但先和衆安人不欲恃險與馬遂致三軍百姓歷懇同詞備述政能唯恐罷去顧茲重鎮方委長材既獲便安未議移替想當知悉僖宗即位就加檢校吏部尚書時趙隱高璩知政事與彥昭同年進士薦彥昭長於治財賦十五年三月召為吏部侍郎充諸道鹽鐵轉運使乾符初以本官同平章事判度支先是楊收路巖韋保衡皆以朋黨好賂得罪蕭倣秉政頗革前弊而彥昭輔政數月百職斯舉察而不煩士君子稱之二年因其轉官僖宗誠曰彥昭歷試有勞僉諧無媿涉於六月秉是一心修乃文可以興文教勵乃武可以成武功重整前規兩司大計清能壁立政乃風行姦欺屏絕於多岐請託銷摧於正議不煩內庫有助涓毫不假外藩有進絲髮軍食所入餘剩於明年郊廟

所供克辦於今歲頗符神化真謂廟謀不有良臣安能富國宜酬勲
於黃閣俾正位於紫垣敬服誠詞永堅茂業嗚呼秉鈞之道何所難
哉覆車之塗近已多矣與其樹黨不若修身與其收恩不如秉直買
暫勝者貽其永貶沽小智者囊其大愚不貴及人唯爭自我初誠潤
屋尋以危家金玉滿堂莫之能守縱經營而得位用枉撓而當辜唯
爾選自朕心採於人望宣詔既畢閑門未知來遂奔車退無私謝獨
推元老曾請急徵以守道而自臻實榮親之最重爾其堅持正直允
執規程但畏幽陰必歸公當甘言可憚叙往可嗤獎善須明懲姦須
銳利於人者雖難必舉利於己者雖易勿為頻念孤寒每思耕織常
自勤於數事便有望於中興彰朕知臣在卿匡國必使恩從下布法
自上行但立直標終無曲影苟致我於堯舜亦比爾於臯夔可中書
侍郎依前判度支事彥昭事母至孝雖位居宰輔退朝侍膳與家人
雜處承奉左右未嘗高言歲時慶賀公卿拜席時人榮之累遷門下
侍郎兼刑部尚書充太清宮使弘文館大學士與鄭畋李蔚同知政

事三加兼官皆領度支如故進階特進更兼同書古僕射

鄭畋字台文滎陽人也曾祖鄰祖穆父亞並登進士第亞字工位元
和十五年擢進士第又應賢良方正直言極諫制科吏部調選又以
書判拔萃數歲之內連中三科聰悟絕倫文章秀發李德裕在翰林
亞以文干謁深知之出鎮浙西辟為從事累屬家難人多忌嫉久之
不調會昌初始入朝為監察御史累遷刑部郎中中丞李回奏知雜
遷諫議大夫給事中五年德裕罷相鎮渚宮授亞正議大夫出為桂
州刺史御史中丞桂管都防禦經畧使大中二年吳汝納訴寃德裕
再貶潮州亞亦貶循州刺史畋年十八登進士第釋褐汴宋節度
推官得祕書省校書郎二十二吏部調選又以書判拔萃授渭南尉
直史館事未行亞出桂州畋隨侍左右大中朝白敏中令狐綯相繼
秉政十餘年素與德裕相惡凡德裕親舊多廢斥之畋久不借於士
伍咸通中令狐綯出鎮劉瞻鎮北門辟為從事入朝為虞部員外郎

右丞鄭薰令狐之黨也撫政舊事覆奏不放入省改復出為從事五年入為刑部員外郎轉萬年今九年劉瞻作相薦為翰林學士轉戶部郎中改以久罹擯幸承拔擢因授官自陳曰臣十八進士及第二十二書判登科此時結綬王畿便貯青雲之望迨一風水久換星霜賦外府之鱗蠱渴明庭之禮樂咸通五年方始登朝若匪遭逢聖君無以發揚幽迹臣任刑部員外郎日累於閤內對駁去冬蒙擢宰萬年又得延英中謝傾藿幸依於白日捨盆終覩於青天昨以京縣浩穰苦心為政疲羸粗息強禦無蹤方專宰字之心用副憂勤之化陛下過垂採聽超授恩榮擢於百里之中致在三清之上纔超翰苑遽改郎曹尋加知制誥又自陳曰臣會昌二年進士及第大中首歲書判登科其時替故昭義節度使沈詢作渭南縣尉兩考罷免楊收以結綬替臣詢則備歷顯榮歿經數載收則寵極台輔絀已三年臣則外困賓筵內甘散秩仰窺霄漢空歎雲泥雖云賦命屯奇實以遭人排忌其因事自洗滌如此俄遷中書舍人十年王師討徐方禁

庭書詔旁午改灑翰泉涌動無滯思言皆破的同僚閣筆推之尋遷戶部侍郎龐勛平以本官充承旨改以德望先達淪滯久之既冠林庭當為宰輔因謝承旨自陳曰禁林素號清嚴承旨尤稱峻重偏膺顧問首冠英賢今之宰輔四人三以此官騰躍其為盛美更異尋常豈謂凡流繼茲芳躅臣所以憂不稱承旨之任也至若繼劉瞻之慎密守保衡之規程瀝懇事君披肝翊聖以貞方為介胄用忠信作藩籬丹青帝文金玉王度臣亦不敢讓承旨之職況沉舟墜羽因聖主發揚有薄藝微才受鴻恩知遇再周寒暑六忝官榮由郎吏以至於貳卿自末僚而遷於上列其切於大用如此其年八月劉瞻以諫囚鑿工宗族罷相出為荆南節度使改草制過為美詞懿宗省之甚怒責之口改頃以行跡玷穢為時棄捐朝籍周行無階踐歷竟因由徑遂致叨居塵忝既多狡蠹尤甚且居承旨合體朕懷一昨劉瞻出藩朕豈無意爾次當視草過為美詞逞譎詭於筆端寵愛憎於形內徒知報瞻效唾之惡誰思筭我拔擢之恩載詳言偽而堅果明同惡相

濟人之多僻一三於斯宜行竄逐之科用屏回邪之黨可梧州刺史
僖宗即位召還授右散騎常侍改兵部侍郎乾符四年遷吏部侍郎
尋降制曰頃者時鬱正途權歸邪幸爾改執心無惑秉節被讒徵復
駕行愈洽人望既盈彌綸之業宜居輔弼之司可本官同平章事僖
宗上尊號禮畢進如中書侍郎進階特進轉門下侍郎兼禮部尚書
集賢殿大學士五年黃巢起蕞郟南犯荆襄東渡江淮衆歸百萬所
經屢陷郡邑六年陷安南府據之致書與浙東觀察使崔瑒求郟州
節鉞瑒言賊勢難圖宜因授之以絕北顧之患天子下百寮議初黃
巢之起也宰相盧攜以浙西觀察使高駢素有軍功奏為淮南節度
使令扼賊衝尋以駢為諸道行營都統及崔瑒之奏朝臣議之有請
假節以紓患者改採群議欲以南海節制縻之攜以始用高駢欲立
奇功以圖勝禡曰高駢將畧無雙淮土甲兵甚銳今諸道之師方集
蕞爾纖寇不足平矜何事捨之示怯而令諸軍解體耶改曰巢賊之
亂本因饑歲人以利合乃至寔繁江淮以南荐食殆半國家久不用

兵士皆忘戰所在節將閉門自守尚不能枝不如釋咎包容權降恩
澤彼本以饑年利合一遇豐歲孰不懷思鄉土其衆一離則巢賊几
上肉耳此所謂不戰而屈人兵也若此際不以計攻全恃兵力恐天
下之憂未艾也群議然之而左傑射于琮曰南海有市舶之利歲貢
珠璣如今妖賊所有國藏漸當廢竭上亦望駢成功乃依携議及中
書商量制勅改曰妖賊百萬橫行天下高公遷延玩寇無意翦除又
從而保之彼得計矣國祚安危在我輩三四人畫度公倚淮南用兵
吾不知稅駕之所矣携怒拂衣而起袂染於硯因執之僖宗聞之怒
曰大臣相詬何以表儀四海二人俱罷政事以太子賓客分司東都
廣明元年賊自嶺表北渡江浙虜崔瑒陷淮南郡縣高駢止令張璘
控制衝要閉壁自固天子始思改前言二人俱徵還拜改禮部尚書
尋出為鳳翔右節度使是冬賊陷京師僖宗出幸改聞難作候駕於
斜谷迎謁垂泣曰將相悞陛下至於此臣實罪人請死以懲無狀
上曰非卿失也朕以狂寇凌犯且駐蹕興元卿宜堅扼賊衝勿令滋

夏畋對曰臣心報國死而後已請陛下無東顧之憂然道路艱虞奏
報梗澁臨機不能遠稟聖旨願聽臣便宜從事上曰苟利宗社任卿
所行畋還鎮蒐乘補卒繕修戎仗濬飾城壘盡出家財以散士卒晝
夜如臨大敵中和元年二月賊將尚讓王璠率衆五萬欲攻鳳翔畋
預知賊至今大將李昌言等伏於要害賊以畋儒者必不能拒步騎
長驅部伍不整畋以銳卒數千陳于高岡虛立旗幟延袤數里距賊
十餘里伐鼓而陣賊不之測衆寡始欲列卒而陣後軍未至而昌言
等發伏擊之其衆大撓日既晡矣岐軍四合追擊於龍尾波賊委兵
仗自潰斬馘萬計得其鎧仗岐軍大振天子聞之謂宰相曰予知畋
不盡儒者之勇甚慰予懷即授畋檢校尚書左僕射同平章事充京
西諸道行營都統時畿內諸鎮禁軍尚數萬賊巢汧京師後衆無所
歸畋承制招諭諸鎮將校皆萃岐陽畋分財以結其心與之盟誓期
臣王室又傳檄天下曰鳳翔隴節度使檢校尚書左僕射同中書門
下平章事充京西諸道行營都統上柱國榮陽郡開國公食邑二千

戶鄭畋移檄告諸藩鎮郡縣侯伯牧守將吏曰夫屯亨有數否泰相
公如日月之蔽虧以陰陽之愆伏是以漢朝方盛則莽卓肆其姦兇
夏道未衰而羿浞騁其殘酷不無僭越尋亦誅夷即知妖孽之生古
今難免代有忠貞之士力為匡復之謀我國家應五運以承乾躡三
王之垂統綿區欽化匝宇歸仁十八帝之鴻猷銘於神鼎三百年之
睿澤播在人誦加以政尚寬弘刑無枉濫翼翼勤行於王道孜孜務
恤於生靈足可傳寶祚於無窮御璫圖於不朽近歲螟蝗作害旱暵
延災因令無賴之徒遽起亂常之暴雖加討逐猶肆猖狂草賊黃巢
奴僕下才豺狼醜類寒耕熱耨不勵力於田疇媮食衣務偷生於
剽奪結連兇黨驅迫平人始擾害於里閭遂侵凌於郡邑屬以藩臣
不武戎士貪財徒加討逐之名竟作遷延之役致令滋蔓累有邀求
聖上愛育情深含弘道廣指萬方而罪已用百姓以為心假以節旄
委之藩鎮異其悛革免困疲羸而殊無犬馬之誠但恣蟲蛇之毒剽
掠我征鎮覆沒我京都凌辱我衣冠屠殘我士庶視人命有同於草

唐書卷一百一十一

卷一百一十一

芥謂大寶易取如奕碁而乃竊據宮闈偽稱名號爛羊頭而拜爵續
狗尾以命官鷲巢幕以誇安魚在鼎而猶戲殊不知五侯勃怒期分
項羽之屍四塚既成待葬蚩尤之骨猶復廣侵田宅濫瀆貨財比磔
壑以難盈類鳥而縱攫茫茫赤縣僅同夷窟之鄉惴惴黔黎若在
狴牢之內固以人神共怒行路傷心畋謬領藩垣榮兼將相每枕戈
而待日常泣血以忘餐誓與義士忠臣共剪狐鳴狗盜近承詔命會
合諸軍皇帝親御六師即離三蜀霜戈萬隊鐵馬千群雕虎嘯以風
生應龍驤而雲起淮南高相公會關東諸道百萬雄師計以夏初會
於關內畋與涇原節度使程宗楚秦州節度使仇公遇等已驅組練
大集閑畿爭靡隴右之蛇矛待掃關中之蟻聚而吐蕃党項以久被
皇化深憤國讎願以沙漠之軍共獻盪平之捷此際華戎合勢藩鎮
連衡旌旗煥爛於雲霞劍戟晶熒於霜雪莫不持繩待試賈勇爭先
思垂竹帛之功誓雪朝廷之耻矧茲殘孽不足殄除况諸道世受國
恩身繫好爵皆貯臣邦之畧咸傾致主之誠自函洛構氛變輿避狄

莫不指銅駝而背裂望王壘以魂銷聞此勤王固宜投袂更希憤激
遂殄寇讎永圖社稷之勲以報君親之德迎鑾反正豈不休哉時駕
在坤維音驛阻絕以為朝廷無能復振及畋傳檄諸藩聳動各治勤
王之師巢賊聞之大懼自是賊騎不過京西當時非畋扼賊之衝襄
蜀危矣畋進位檢校司空其年冬畋暴病以岐山方禦賊衝且須驍
將鎮守表薦大將李昌言詔可之詔畋赴行在二年正月至成都以
王鐸代畋將兵收復畋尋以傑射平章事以疾久之不拜累表乞解
機務二年冬罷相授太子少保畋宗以畋子給事中疑績為龍州刺
史詔待畋就郡養疾薨於郡舍時年五十九光啓末李茂貞授鳳翔
節度使畋會兵時茂貞為博野軍小校在奉天畋盡召其軍至歧下
以茂貞勤於軍旅甚奇之委以遊邏之任至是茂貞思畋獎待之恩
上表論之曰臣伏見當道故檢校司空同平章事鄭畋瑞應星精祥間
月角建洪鑪於聖代成庶績於明時鳳毛方浴於春池龍節忽移於
右輔旋以群鷗嘯聚萬蟬鋒攢蒼黃而王轄省方之第而金門徹鑰九

州相望初猶豫以從風百辟無歸半狐疑而委質而收衝冠怒髮投
袂治兵羅劍戟於罇前練貔貅於闔外坎牲誓衆纛鼓出師馳羽檄
於四方暢皇威於萬里身爲地軸波橫流而盡入東溟手正天關掃
妖星而重尊北極及至臺沙竈代鼓揚旌四兇方侈於獸心一陣
盡塗於龍尾大振建旆之捷只於反掌之間不期天杜朝摧將星夜
隕竹帛徒書於茂烈松楸未煥於易名臣始是從戎爰承指顧稟三
令五申之戒預一匡九合之謀今則謬以微功獲居重鎮尋武侯之
遺愛城壘宛然念叔子之高蹤涕零何極伏冀特加贈謚以慰泉扃
昭宗嘉之詔贈司徒謚曰文昭收文學優深器量弘恕美風儀神彩
如王尤能賦詩與人結交榮悴如一如員外郎爲鄭薰不放省上
收不以爲憾及收作相薰子爲郎收特獎拔爲給事中列曹侍郎其
以德報怨多此類也疑績景福中歷刑部戶部侍郎

盧攜字子升范陽人祖損父求實曆初登進士第應諸府辟召在終
節守攜大中九年進士擢第授集賢校理出佐使府咸通中入朝

右拾遺殿中侍御史累轉員外郎中長安縣令鄭州刺史召拜諫議
大夫乾符初以本官召充翰林學士拜中書舍人乾符末加戶部侍
郎學士承旨四年以本官同中書門下平章事累加門下侍郎兼兵
部尚書弘文館大學士五年黃巢陷荆南江西外郎及虔吉饒信等
州自浙東陷福建遂至嶺南陷廣州殺節度使李岩遂抗表求節鉞
初王仙芝起河南攜舉宋威齊克讓官宏等有持畧用爲招討使及
宋威殺尚君長致賊充斥朝廷遂以宰臣王鐸爲都統携深不悅浙
帥崔瑒等上表請假黃巢廣州節鉞上令宰臣議携以王鐸爲統帥
欲激怒黃巢堅言不可假賊節制止授率府率而已與同列鄭畋爭
論投硯於地由是兩罷之爲太子賓客分司六年高駢大將張麟頻
破賊携素待高駢厚常舉可爲統帥天子以駢立功復召携輔政及
王鐸失守罷都統以高駢代之由是自潼關已東汝陝許鄧汴滑青
兗皆易帥王鐸鄭畋所授任者皆易之携內倚田令孜外以高駢爲
援朝廷大政高下在心時携病風精神恍惚政事可否皆決於親吏

温季脩貨賄公行及賊擾淮南張麟被殺而許州逐帥殷水丘漬朝
廷震懼皆歸罪於馮及賊陷潼關罷馮相為太子賓客是夜仰藥而
死子晏天裕初為河南縣尉為柳璨所殺

王徽字昭文京兆杜陵人其先出於梁魏魏為秦滅始皇徙關東豪
族實關中魏諸公子徙於霸陵以其故王族遂為王氏後周同州刺
史熊徽之十代祖葬咸陽之鳳岐原子孫因家焉曾祖擇從兄易從
天后朝登進士第從弟明從言從睿宗朝並以進士擢第昆仲四人
開元中三至鳳閣舍人故時號鳳閣王家其後易從子定定子逢逢
第仲周定兄密密子行古行古子收收子超皆以進士登第王氏自
易從已降至大中朝登進士科者一十八人登進士省歷收守賓佐者
三十餘人擇從大足三年登進士第先天中又應賢良方正制舉升
乙第再遷京兆士曹參軍充麗正殿學士祖察至德二年登進士第
位終連州刺史父自立位終祚氏令徽大中十一年進士擢第釋褐
必書省校書郎戶部侍郎沈沈調判度支倅為巡官宰相徐商領鹽鐵

又奏為參佐時懿宗詔宰相於進士中選子弟尚主或以徽籍上
徽性冲澹遠勢利聞之憂形於色徽登第時年踰四十見宰相劉
哀祈具陳年已高矣居常多病不足以塵汚禁衛塚於上前言之方
免從令狐絢歷宣武淮南兩鎮堂書記得大理評事召拜右拾遺前
後上疏論事二十三人難言者必犯顏爭之人士翕然稱重會徐商
罷相鎮江陵以徽舊僚欲加奏辟而不敢言徽探知其言即席言曰
僕在進士中荷公重顧公佩印臨戎下官安得不從商喜甚奏授殿
中侍御史賜緋判西節度判官高凝時持憲綱奏為侍御史知雜兼
職方員外郎轉考功員外時考簿中下字未書吏錄為姦多有措
改徽白僕射請以墨書逐絕姦吏之弊宰相請微以微明於吏術尤
重之乾封初遷司封郎中長安縣令學士關人傷戶徵為翰林學士
改職方郎中知制誥正拜中書舍人延英中謝高賜金紫還戶部侍
郎學士承旨改兵部侍郎尚書左丞學士承旨如故廣明元年十二
月三日改戶部侍郎同平章事是日言事不入潼關其夜僖宗出幸微

與同列崔沆豆盧瑑僕射于宗至曙方知車駕出幸遂相奔馳赴行
在徽夜落荆榛中墜於崖谷為賊所得迫還京師將授之偽命徽示
以足折口瘡雖白刃環之終無懼色賊令與歸第命鑿工視之月餘
守視者稍怠徽乃雜於負販竄之河中遣人間道奉絹表入蜀天子
嘉之詔授光祿大夫守兵部尚書將赴行在尋詔徽以本官充東回
宣慰催陣使時三鐸部統行營兵馬在河中累年未能破賊徽與行
營都監楊復光謀赦沙陀三部落令赴難其年夏代北軍至浹戰累
捷收復京師以功加尚書右僕射光啓中潞州軍亂殺其帥成麟以
兵部侍郎鄭昌圖權知昭義軍事時孟方立割據山東三州別為一
鎮上黨支郡唯澤州耳而軍中之人多附方立昌圖不能制宰相奏
請以重臣鎮之乃授徽檢校尚書左僕射同平章事潞州大都督府
長史澤潞邢洛磁觀察等使時鑾輅未還關東聚盜而河東李克用
與孟方立方爭澤潞以朝廷兵力必不能加上表訴之曰臣聞孟方
授任本切於安人奉上推忠莫先於體國臣早逢昌運備嘗

仗竭誠幸無躁迹六年內置雖叨侍從之榮一日台司未展臣扶之
志敢忘急病用副憂勤况重鎮兵符元戎相印特膺寵寄出自宸衷
豈合憚勞更陳衷款但以鄭昌圖主留累月將結深根孟方立專據
三州轉成積壘招其外則潞人胥怨撫其內則邢將益疑禍方熾於
既焚計奈何於已失須觀勝負乃決安危欲遵命而勇行則寢興百
慮思奉身而先退則事體兩全伏乞聖慈博求廷議擇其可付理左
從長免微臣負懷寵之譏使上黨破必爭之勢觸藩知難庶無愧於
前言報國圖功豈無伸於此日天子乃以昌圖鎮之以徽為諸道租
庸供軍等使餘官如故時京師收復之後宮寺焚燒園陵毀廢故車
駕久而未還乃以徽為大明宮留守京畿安撫制置修奉園陵等使
徽方治財賦又兼制置王畿之人大半流喪乃招合遺散撫之如子
數年之間版戶稍葺東內齋閣繕完有序徽拜表請車駕還京曰昨
者狂寇將逃延災方甚而端門鳳曉鎮福地而獨存王氣龍盤鸞祥
煙而不散足表宗祧降祉臨御非遙今雖初議修崇未全壯麗式示

卑宮之儉更疑馭道之尊日肅宗總見捷書便離歧下德宗雖當盛暑不駐漢中故事具存昌期難緩願河鑿格早復京師臣謬以散材叨膺重寄閉閣深念拜章累陳審時事之安危繫廟謀之得失臣雖隨宜制置竭力撫綏如或鑿駕未洞必恐人心復散縱成微効終負殊私勢有必然理宜過慮以茲淹留轉失機宜實希永挂宸聰亟還清蹕帝深嘉納進位檢校司空御史大夫權知京兆尹事中外權臣遣人治第京師因其亂後多侵犯足人百姓告訐相繼微不避權豪平之以法由是殘民安業而權幸側目惡其強乃以其黨薛杞為少尹知府事杞方居父喪微執奏不令入府權臣愈怒奏罷微使務以本官徵赴行在尋授太子少師移疾退居蒲州滿十旬請罷僖宗還宮復授太子少師疾未任朝謁宰相以微怨望奏貶集州刺史微乃輿疾赴貶所不旬日沙陀逼京師僖宗出幸寶雞而軍容田令孜得咎天子以微無罪召拜吏部尚書封瑯琊郡侯食邑千戶微將赴行在而襄王僭偽邪岐兵士追逼乘輿天子幸漢中微不能進李煜偽

制至河中府召微赴闕微託以風疾不能步履煜將僭號通內外臣寮署誓狀微稱臂緩不能秉筆竟不署名朱玫既誅天子自褒中還至鳳翔召微拜御史大夫車駕還宮微上章以足膝風痺不任朝拜乞除散秩復授太子少師及便殿中謝昭宗顧瞻進對曰王徽神氣尚強安可自便乃改授吏部尚書大亂之後銓選失緒吏為姦蠹有重疊補擬者微從初注授便置手曆一一檢視人無擁滯內外稱之進位檢校司空守尚書右僕射大順元年十二月卒贈太尉謚曰貞子三人椿樗松

史臣曰議兵之難古無百勝蓋以行權制變法斷在於臨機出奇無窮聲實懸於中的昔晉國之平孫皓賈公問堅沮洳兀吳人欲拒曹瞞張輔吳終慙失策彼之賢俊未免悔尤况盧子昇平代書生素迷軍志只保高駢之平昔不料高駢之苞藏以至力困黃巢毒流赤縣絕吭仰藥何所補焉台文氣激壯圖志據宿憤慷慨誓衆叱咤臨戎竟扼賊喉以康天步謂之不武斯焉取斯崔趙以昇職奉親天倫並

達積慶垂裕播夫士林徽志吐盜泉脫身虎口功名不墜君子多之
贊曰武以伸威誅以制敵何必臨戎陳師衽席高駢玩寇盧雋保姦
聖斷一候崎嶇劍山

唐書列傳卷第一百二十八

唐書列傳卷第一百二十九

劉 响 等修
聞人銓校刻沈桐同校

蕭遘 字遠

孔緯 字崇弼 帝昭度

崔昭緯

張濬

朱朴

鄭繁

劉崇望 兄崇龜弟崇

徐彥若 子縉

弟彥柁

陸辰

柳璨 弟瑛 瑒

蕭遘蘭陵人開元朝宰相太師徐國公嵩之四代孫嵩生衡衡生復
德宗朝宰相復生湛湛生真咸通中宰相宣生遘以咸通五年登進
士第釋褐祕書省校書郎太原從事入朝為右拾遺再遷起居舍人
與蕭保衡同年登進士第保衡以幸進無藝同年門生日薄之遘形
神秀偉志操不群自比李德裕同年皆戲呼太尉保衡心銜之及保
衡作相撝遘之失貶為播州司馬途經三峽維舟月夜賦詩自悼慮
保衡見害遽有神人謂之曰柘公勿憂予當禦侮奉衛遘心異之過
峽州經白帝祠即所覩之神人也保衡誅以禮部員外郎徵還轉考

功首外郎知制誥乾符初召充翰林學士正拜中書舍人累遷戶部侍郎翰林承旨黃巢犯闕僖宗出幸以供饋不給須近臣掌計改兵部侍郎判度支中和元年三月自懷中幸成都次綿州以平官同平章事加中書侍郎累兼吏部尚書監修國史選少負大節以經濟為已任洎處台司風望尤峻奏對朗拔天子器之光啓初王綱不振是時天下諸侯半出群盜強弱相噬怙衆激亂國法莫能制有李凝古者從支詳為徐州從事詳為衙將時溥所逐而賓佐陷於徐及溥為節度使因食中毒而惡凝古者譖之云為支詳報讎行醜溥收疑古殺之疑古父損時為右常侍溥上章披訴言損與凝古同謀內官田令孜受溥厚賂曲奏請收損下獄中丞盧渥附令孜鍛鍊其獄侍御史王華嫉惡堅執奏證損無罪令孜怒奏移損付神策獄按問王華拒不奉詔奏曰李損位居近侍當死即死安可取辱於黃門之手豈非時進狀請開延英奏曰李凝古行醜之謀其事曖昧已遭屠害今不復論李損父子相別三四年音問斷絕安得誣罔同謀時溥恃勳

壞法凌蔑朝廷而抗表請按侍臣悖戾何甚厚誣良善人皆痛心李損羅織而誅行當便及臣等帝為之改容損得免止於停任時田令孜專總禁軍公卿寮庶無不候其顏色唯遣以道自處未嘗屈降是年冬令孜奏安邑兩池塩利請直屬禁軍王重榮上章論列乃奏移重榮別鎮惠索不受令孜請率禁軍討之重榮求返於太原李克用引軍赴之拒戰沙苑禁軍大敗逼京城僖宗懼出幸鳳翔諸藩上章抗論令孜生事離間方面違素惡令孜乃與裴澈致書召朱玫玫以邠州之軍五千迎駕仍與河中太原修睦請同匡王室由是諸鎮繼上章請駕還京令孜聞攻軍至迫脅天子幸陳倉時僖宗蒼卒出城夜中百官不及扈從玫怒令孜弄權又以天子不諒其忠語辭怨望乃訴于遣曰主上六年奔播百端艱險中原土庶沮賊血戰肝腦塗地十室九空比至收復京都十二七八殘民遺老方喜車駕歸宮主上不念生靈轉輸之勞甲士血戰之效將勤王之功業為勅使之寵榮而更志在亂邦與國生事召戎結怨不自他人昨奉指蹤徑來奔問

不蒙見信翻類脅君古者忠而獲罪正如此也吾等報國之心極矣
戰賊之力殫矣安能垂頭喪翼喘喘於闕寺之手哉春秋之義喪君
有君相公徐思其宜改圖可也遣曰主上臨御十餘年未聞過行比
來喪亂播越失於授任非才近年令收掣肘動不如意上每言之流
涕不已昨去陳倉上無行意今收陳兵帳下列卒堦前造次迫行不
容俟旦靜言此賊罪不容誅至尊之心孰不深鑒足下乃心王室止
有歸兵還鎮拜表迎鑾德業功名益光圖史捨此已往理或未安改
圖之言未敢聞命致曰李家王子極多有天下者豈一王哉遣曰廢
立危事雖有伊尹霍光之賢尚貽後悔古人云勿為福始勿為禍先
如公矢謀未見其利致退而宣言曰我冊箇王子為主不從者斬及
立襄王請遣為冊文遣曰少嬰衰疾文思減落比來禁署未免倩人
請命能者竟不措筆乃命鄭昌圖為之致滋不悅及還長安以昌圖
代遣為相署遣太子太保乃移疾滿百日退居河中之永樂縣遣在
相位五年累尚書右僕射進封楚國公僖宗再還京宰相孔緯與

遣不協以其受僞命奏貶官尋賜死於永樂咸通中王鐸堂頁籍遣
與常保衡俱以進士中選而保衡暴貴與鐸同在中書及僖宗在蜀
遣又與鐸並居相位帝嘗召宰臣鐸年高昇階足跌踣勾陳中遣旁
掖起帝目之喜曰輔弼之臣和予之幸也謂遣曰適見卿扶王鐸予
喜卿善事長矣遣對曰臣扶王鐸不獨司長臣應舉歲鐸為主司以
臣中選門生也上笑曰王鐸選進士朕選宰相於卿無負矣遣謝之
而退遣為大臣士行無缺逢時不幸為僞熅所汚不以令終人士惜
之弟蘧時為永樂令

孔緯字化文魯曲阜人宣尼之裔曾祖岑父位終祕書省著作佐郎
諫議大夫巢父兄也祖殘位終禮部尚書自有傳父遵孺終華陰縣
丞緯少孤依諸父溫裕溫業皆居方鎮與名公交故緯聲籍早達大
中十三年進士擢第釋褐祕書省校書郎崔慎由鎮梓州辟為從事
又從崔鉉為揚州支使得協律郎崔慎由鎮華州河中緯皆從之歷
觀察判官宰相楊收奏授長安尉直弘文館御史中丞王鐸奏為監

察御史轉禮部員外郎宰相徐商奏兼集賢直學士改考功員外郎
丁內憂免服闋以右司員外郎入朝宰相趙隱嘉其能文薦為翰林
學士轉考功郎中知制誥賜緋正拜中書舍人累遷戶部侍郎謝日
百賜金紫之服乾符中罷學士出為御史中丞緝器志方雅嫉惡如
讎既總憲綱中外不繩而自肅歷戶部兵部吏部三侍郎居選曹動
循格令權要有所託私書盈几不之省執政怒之改太常卿黃巢之
亂從傳宗幸蜀改刑部尚書判戶部事宰相蕭道愔在翰林時與緝情
言不協至是因戶部取給不充移之散秩改太子少保光啓元年從
駕還京是時田令孜軍敗沙陀逼京師帝移幸鳳翔邠帥朱玫引兵
來迎駕令孜挾帝幸山南時中夜出幸百官不及扈從而隨駕者黃
門衛士數百人而已帝駐寶雞候百官詔授緝御史大夫遣中使傳
詔令緝率百寮赴行在時京師急變從駕官屬至藍屋並為亂兵所
剽資裝殆盡緝亦命見宰相論事蕭遣裴徹以阻令孜在帝左右意
不欲行辭疾不見緝緝遣吏促自官上路皆以袍笏不具為詞緝

無如之何乃召三院御史謂之曰吾輩世荷國恩身居憲秩雖六飛
奔迫而咫尺天顏累詔追徵皆無承稟非臣子之義也凡布衣交舊
緩急猶相救卹况在君親策名委質安可背也言竟泣下三院曰夫
豈不懷但墊屋剝剩之餘乞食不給今若首途聯營一日之費俟信
宿繼行可也緝拂衣起曰吾妻危疾且不保夕丈夫豈以妻子之故
怠君父之急乎公輩善自為謀吾行決矣即日見李昌符告曰王上
再有詔命令促百寮前進觀群公立意未有發期僕忝憲闈不宜居
後道途多梗明公幸假五十騎送至陳倉昌符嘉之謂緝曰路無頓
遞裹糧辦耶乃送錢五十緡令騎士援緝達散關緝知朱玫必蓄異
志奏曰關城小邑不足以駐六師請速幸梁州翌日車駕離陳倉纔
入關而邠岐之兵圍寶雞攻散關微緝之言幾危矣至褒中改兵部
侍郎同中書門下平章事尋改中書侍郎集賢殿大學士王行瑜斬
朱玫平定京城遷門下侍郎監修國史從駕還京駐蹕岐陽進階特
進兼吏部尚書領諸道鹽鐵轉運使車駕還宮進位左僕射賜持危

啓運保又功臣食邑四千戶食實封二百戶賜鐵券恕十死罪賜天
興縣莊善和里宅各一區兼領京畿營田使僖宗晏駕充山陵使僖
宗祔廟緯準故事不入朝昭宗遣中使召赴延英令緯依舊視事進
加司空以國學盜火所焚令緯完葺仍兼領國子祭酒蔡賊秦宗權
伏誅進階開府儀同三司進位司徒封魯國公十一月昭宗謁郊廟
兩中尉內樞密請朝服所司申前列中貴人無例朝服助祭之禮少
府監亦無素製冠服中尉怒立令製造下太常禮院禮官舉故事亦
稱無中尉朝服助祭之文諫官亦論之緯奏曰中貴不衣朝服助祭
國典也陛下欲以權道寵內臣則請依所兼之官而爲之服天子召
諫官謂之曰大禮日近無宜立異爲朕容之於是內官以朝服助祭
郊禮異進位兼太保大順元年夏幽州汴州請封太原宰臣張濬請
自率禁軍爲招討上持疑未決問計於緯緯以討之爲便語在濬傳
其年秋濬軍爲太原所擊大敗而還濬罷相貶官緯坐附濬以檢校
太保江陵尹荆南節度觀察等使未離闕下再舉均州刺史緯濬密

遣人平援於汴州朱全忠上章論救緯至高州有詔俾令就便遂寓
居華州乾寧二年五月三鎮入京師殺宰相韋昭度李谿帝以大臣
朋黨外交方鎮思用骨鯁正人遣中使趨華州召緯入朝以疾未任
上路六月授太子賓客其日之夕改吏部尚書翌日拜司空兼門下
侍郎同平章事太清宮使修奉太廟弘文館大學士延資庫使階爵
功臣名食邑並如故旬日之內驛騎敦促相望于路扶疾至京師延
英中謝奏曰臣前時待罪宰相言短淺有負弼諧陛下特貸刑書
曲全腰領臣期於死劫魚壤不望生年平王階復拜龍顏實臣榮幸然
臣比嬰衰疾伏枿系年形骸雖存生意都盡平居勉強御事猶踈况
比疴羸寧勝重委國祚石泰黃彥盈席豈以朽腐之人再塵機務臣
力疾一拜殿庭今陛下許臣自便因嗚咽流涕緯久疾拜蹈艱難上
令中使止之改容軫念令閣門使送緯中書視事不旬日沙陀次河
中同州王行約入京師謀亂天下出幸右門緯從駕至莎城疾漸危
薦先還京城九月卒於光德里和諡太尉緯家尚節義挺然不屈雖

權勢燠灼未嘗假以恩禮大順初天武都頭李順節恃恩頗橫不期年領浙西節度使後加平章事謝曰臺吏中書稱天武相公衙謝準例班見百寮緯判曰不用立班順節慶壽小人不開朝法盛飾趨中書既見無班心甚怏怏他日因會筵前微言之緯曰必知公慚也夫百辟卿士天子庭臣也此來班見宰輔以輔臣居班列之首奉長之義也公握天武健兒而於政事廳受百寮班見意自安乎必若須此儀俟去都頭二字可也順節不敢復言其秉禮不同多此類也孔氏子元和後昆仲貴盛至正卿方鎮者六七十人未有為宰輔者至緯始在鼎司于崇弼亦登進士第仕至散騎常侍

韋昭度字正紀京兆人祖縉父逢昭唐咸通八年進士擢第乾符中累遷尚書郎知制誥正拜中書舍人從僖宗幸蜀拜戶部侍郎中和元年權知禮部貢舉明年以本官同平章事兼吏部尚書昭宗即位閩州刺史王建攻陳敬瑄於成都隔絕貢奉乃以昭度檢校司空同平章事成都拜劍南西川節度昭撫官一尉等使昭度赴鎮敬瑄不受

代詔東川顧彥朗與王建合勢討之昭度為行營招討卒歲止拔漢州王建謂昭度曰相公勞師弊衆遠事蠻夷訪聞京洛以東羣侯相噬禍難未已朝廷不治腹心之疾也相公宜亟還京師咨謀匡合平定兩河國家之利也敬瑄小醜以日月制之擒之必矣此事責建可辦昭度然之奏請還都昭度未及京師建以重兵守劍門急攻成都下之殺敬瑄言稱留後昭度還以檢校司空充東都留守召還為右僕射景福二年冬宰相杜讓能為鳳翔所殺復委昭度知政事與李谿並命時宰相崔昭緯專政惡李谿之為人降制曰令知制誥劉崇魯哭麻以沮之谿上表論列天子待谿益厚明年春復命谿同平章事昭緯不勝其忿先是邠州王行瑜求為尚書令昭度奏議云國朝已來功如郭子儀未嘗曾熱此官乃賜號尚父崔昭緯宗人銜曾為行瑜從事朝廷每降制勅不便於昭緯者即令銜訴於行瑜俾上章論列朝旨小有依違即表章不遜至是李谿入拜昭緯謂銜曰前時尚父之命已行而昭度沮之今又引谿同列此人姦纖惑上視聽宗

社不寧恐復有社六尉之事行瑜與李茂貞上章言命相非其人懼
危宗社天子優詔曉諭言谿有才其年五月行瑜茂貞華州韓建以
兵入覲面奏昭度李谿之姦邪請加譴逐制勅未行三鎮兵害昭度
於都亭驛及行瑜誅降制復其官爵令其家收葬

崔昭緯清河人也祖庇滑州酸棗縣尉父璠鄂州觀察使昭緯進士
及第昭宗朝歷中書舍人翰林學士戶部侍郎同平章事性姦纖忌
前達內結中人外連藩閩屬朝廷微弱每託援以凌人主昭宗明察
心不能堪以誘召三鎮將兵詣闕賊殺宰相內臣帝深切齒會太原
之師誅行瑜罷相授右僕射後又以託附汴州再貶梧州司馬尋除
制曰崔昭緯頃居內署擢者微勞擢於侍從之司委以燮調之任不
能忠貞報國端慎處身苟交結於姦臣致漏泄於機事星霜累換
輔我聞爾罪一也又快其私忿輒恣陰謀託崔鋌之險熾連行瑜
計書遂致稱兵向闕怙衆有君故宰臣常昭度李谿並以無辜見
幾危宗社顯辱君親爾罪二也及行瑜敗滅京國南安而乃自懼

禁冒寵僭濫無敢敗俗傷風賢愚共鄙爾罪三也又持厚賂欲結諸
王輕侮我憲章玷瀆我骨肉貨財之數文字具存賴諸王作朕腹心
嫉其姦害盡將昭緯情款兼其親吏姓名直具奏聞拒其求託昭緯
曾居宰輔久歷清崇但欲逞其回邪都不顧其事體觀其識見實駭
聽聞爾罪四也自姦邪既露情狀難容尚示寬刑未行嚴憲投于荒
裔冀其自新而不能退省過尤恭承制命速赴貶所用守常規而猶
自務宴安尋聞所在留駐攬擾藩鎮侮慢朝章曾無稟畏之心可驗
苞藏之計罔知懲咎唯謗朝廷爾罪五也朕以恩澤者帝王之雨露
刑法者邦國之雷霆無雨露則廢物不禁無雷霆則萬邦不肅朕體
天道以化育遵王度以澄清罪既昭彰理難合垢元百多士宜體子
懷宜所在賜自盡時昭緯行次至荆南中使至斬之兄昭符止三禮
部尚書昭愿太子少保昭矩給事中昭遠考功員外郎

張濬字禹川河間人祖仲素位至中書舍人父繇官早家富州府

儻不羈涉獵文史好大言為士友之所擯棄初從鄉賦進計成薄其
為人濬憤憤不得志乃田衣野服隱於金鳳山學鬼谷焚橫之術欲
以捍闔取貴仕乾符中樞密使楊復恭因使過之自處一壘為太宗
博士累轉度支員外郎黃巢將逼關輔濬託疾請告侍其母望族避
亂商州賊犯京師懿宗出幸途無供須衛軍不得食濬陰令李康獻
糗餌數百驛綱軍士始得食僖宗召康問曰卿為縣令安操心及此
康對曰臣為塵吏敢有此進獻張濬員外教臣也帝異之急乃至行
在拜兵部郎中未幾拜諫議大夫其年冬宰相王鐸三滑臺兼充天
下行營都統方徵兵諸侯奏用濬為都統判官時王敬武初破弘霸
即軍威大振累詔徵平盧兵敬武獨不赴援鐸遣濬往說之敬武已
受偽命復怙強不迎詔使濬至謁見責之曰公為天子守藩王臣齎
詔宣諭而侮慢詔使既未識君臣禮分復何顏以御軍民哉敬武愕
然謝咎既宣詔軍士按兵默然濬並召將佐集於鞠場而諭之曰人
生效忠仗義所異粗分順逆懸知利害黃巢前日既鹽蕩耳公等捨

累葉天子而臣取鹽白丁何利害之可論耶今諸侯勤王天下響應
公等獨據一州坐觀成敗賊平之後去就何安若能此際排難解紛
陳師鞠旅共誅寇盜迎奉鑾輿則富貴功名指掌可取吾惜公輩捨
安而即危也諸將改容引過謂敬武曰諫議之言是也即時出軍從
濬入援京師賊平累遷戶部侍郎僖宗再幸山南拜平章事判度支
濬初發迹依楊復恭及復恭失勢乃依田令孜以至重位而反薄復
恭及再幸山南復恭代令孜為中尉罷濬知政事昭宗初在藩邸深
嫉宦官復恭有援立大勲恃恩任事上心不平之當時趨向者多言
濬有方略能畫大計復用為宰相判度支上嘗問濬致理何事最急
對曰莫若強兵兵強而天下服上繇是專務蒐補兵甲欲以武功勝
天下後延英論前代為治得失濬曰不必遠徵漢晉之弊臣竊見陛
下春秋鼎盛英雫如此內外偏於強臣臣每思之實痛心而泣血也
會朱全忠誅秦宗權安居受殺李克恭以潞州降全忠幽州李匡威
雲州赫連鐸等奏請出軍討太原詔四品以上官議皆言曰未安

不且生事假如得太原亦非國宗所月濬議曰先帝頻生擒趙王至
不寧原其亂階由克用全忠之矛盾也請因其奏乘全忠之方可斷
兩淮之勢上曰收復之功克用第一今乘其危困而加兵諸侯其謂我何
濬懇論用兵之利害蓋欲示外勢而擠復恭也上旨示決宰臣孔緯
曰張濬所陳萬代之利也陛下所惜即日之利也以臣所料師渡河
而賊必自破昨計度軍中轉餉犒勞一二年間必無關事陛下斷意
行之既二相俱論乃以濬為河東行營兵馬都招討宣慰使以京兆尹
孫揆副之仍授揆昭義節度使華州韓建為供軍使朱全忠為太原
西南面招討使李匡威赫連鐸為東北面招討使全忠以汴軍三千為
濬牙隊大順元年六月濬率軍五十二都兼邠寧鄭夏雜虜共五萬
人騎發自京師昭宗御安喜樓臨送濬酒醑泣奏曰陛下動為賊臣
掣肘臣所以誓死憤惋為陛下除其階逼楊復恭聞之不悅中尉內
使餞於長樂復恭奉卮酒屬濬辭曰聖人賜酒已醉矣復恭戲曰
相公握禁兵擁大旆獨當一面不領復恭作而子耶濬笑曰賊平

之後乃見面子復恭銜之時汴華邠岐之師渡河會濬於晉州汴將
朱崇節權知潞州事太原將李存孝攻之濬慮賊平汴人援昭義乃
令孫揆分兵赴鎮中使韓歸範送旌節至軍八月揆與歸範赴潞州
至潞並為存孝擒送太原九月汴將葛從周奔潞州十月濬軍至陰
地邠岐華三鎮之師營平陽李存孝擊之一戰而敗委兵仗潰散進
攻晉州數日中夜濬歛衆遁走比曙喪師殆半存孝進收晉絳磁隰
等州濬狼狽山含山踰王屋出清河拆屋木縛筏濟河部下離散將
蓋李克用上章論計曰晉州長寧關使張承暉於當道錄到張濬榜
并詔曰張濬充招討制置使令率師討臣兼削臣屬籍官爵者臣誠
亮誠憤頓首頓首伏以宰臣張濬欺天蔽日廊廟不容讒臣於君奪
臣之仁心燕帥妄矣與汴賊結恩矯託皇威擅宣王命徵集師旅撓
亂乾坤悞陛下中興之謀資黔黎重傷之困臣實何罪而陛下伐之
此則宰臣持權面欺陛下况臣父子三代受恩四朝破徐方救荆楚
收鳳麟碎梟巢致陛下今日冠通天之冠佩白玉之璽臣之屬籍誌

皇所賜之師律先帝所命臣無逆節豈討何名陛下若獸逐功臣
欲用文自可遷臣封邑以侯就第奈何加諸其罪孰肯無詞若以
臣雲中之伐獲罪於時則拓拔思恭取卹延朱全忠侵徐鄆陛下何
不討之假令李孝德不忠於主伐之爲是則朱瑄時溥有何罪耶此
乃同坐而異名賞彼而誅此使天下藩服強者扼腕弱者自動流言
竊議爲臣恚嗟固非中興之術也且陛下卽危之秋則樊臣爲韓彭伊
霍旣安之後罵臣曰戎羯蕃夷海內握兵立事如臣者衆矣寧不懼
陛下他時之罵哉臣昨遇燕軍以禮退舍臣威淺味厚自矜誇乃言
臣中矢石覆士卒致內外吠聲一發短詆競陳悞陛下君臣之分况
命官選將自有典刑不必幸臣之弱而後取之儻臣延期挺命尚因
一方彼實何顏以見陛下此則姦邪朋黨黑輕弄邦典陛下疑旒端辰
何由知之今張濬旣以出軍微臣固難措手臣便欲呼閭輕騎而叩
玉階訴邪佞於陛下之形墀納詔命於先皇之宗廟然後束身司貶
甘處憲章時克用令所擒中使奉表表王而濬敗朝廷登震制曰濬

武因恭儉富庶之後建置朔方孫弘沮之十不得一而良史以弘首
宰相體者誠以愛人治國爲先拓境開疆爲末及孝宣值雄才割平
之餘將議北征魏相爭之五將尋罷果致中興號爲賢輔况朕承天
馭兵戈之後人思休息之時敢望裊共成堯日庶幾孫魏粗及漢
年苟易於斯如何倚注光祿大夫門下侍郎兼戶部尚書同中書門
下平章事上柱國清河郡開國伯食邑一千二百戶充河東行營諸
道兵馬招討制置等使張魯早以威名稱爲奇士繇是再加徵用委
以鉞衡謂其必致小康克勝不任而乃因思守道但欲邀功用不詭
之詢謀起無名之兵革自云一舉止在旬時堅請抗論勢莫能奪輕
葛亮渭濱之役小裴度淮右之行經歷寒暄耗費百萬虛誕章于朝
野詐詭布於華夷構草莠聞燬原愈益俾擁旄乘驛之使囚在虜庭
勤王奉國之臣懷德本土忘廟之威重結藩屏之仇讎欲使海內
生靈竭其貢賦不獲河中即一蕩爲介墟潛生厲階欲誰歸咎於戲
徵是錯之故事思王休之舊章國有明文爾當何道尚以愛人以禮

理體宜然庶幾權武昌善地宜置樞輔之務乃停支度之司勉自
思惟以逃後命可檢校戶部尚書鄂州刺史武昌軍節度觀察等使
尋貶連州刺史馳騁道行三區田賦不行晉州州依韓建時朝廷
微弱竟不能詰乾寧二年三鎮皆遣使召孔緯欲大用亦以濬
為兵部尚書又領天下租庸使三年天子幸華州罷濬使務守尚書
右僕射上疏乞致仕授左僕射致仕乃還洛陽居於長水縣別墅濬
雖退居山墅朝廷或有得失必章疏言德王廢立之際濬致書諸
藩請圖匡復王師範青州起兵欲取濬為謀主事雖不果其迹頗泄
朱全忠將圖篡代懼濬構亂四方不為顯誅密諷張全義令圖之乃
令牙將楊麟率健卒五十人有如劫盜圍其墅而殺之天復三年十
二月晦夜也求寧縣吏葉彥者張氏待之素厚楊麟之來彥知之告
濬第一子格曰相公之禍不可免即具軍自為謀格濬父子號咷而
已濬謂格曰番則併命去或可免汝自圖之勿以吾為累異存後祀
也格拜辭而去葉彥率義士三十人送渡漢江而旋格由荆江上峽

入蜀王健備號用為宰相中興平蜀任國樞格而還格感葉彥之忠
訪之身已歿而厚報其家濬第三子竄於楊行密自乾寧之後賊臣
內侮王室寢微昭宗不堪凌弱欲簡拔奇材以為相然採於群小之
論未嘗獲一人登用之徒無不為時咄誚

朱朴者乾寧中為國子博士腐儒木強無他才伎道士許巖士出入
禁中嘗依朴為姦利從容上前薦朴有經濟才昭宗召見對以經義
甚悅即日拜諫議大夫平章事在中書與名公齒筆札議論動為笑
或數月巖士事敗俱為韓建所殺

鄭縈者以進士登第歷監察殿中倉戶二負外金刑右司三郎中家
貧求郡出為廬州刺史黃巢自嶺表還經淮南剽掠縈移黃巢文牒
謂不犯郡界巢笑而從之一郡獨不被寇天子嘉之賜緋魚袋罷郡
錢千緡寄州帑後郡數陷盜不犯鄭使君寄庫錢至楊行密為刺
送所寄於京師還縈縈善為詩多侮刺時故落格調時號鄭五
以後體初去廬江與郡人別云唯有兩行公廡淚一時灑向渡頭風

稽皆此類也王徽為御史大夫奏蔡為兵部郎中知臺雜遷給事
賜金紫信宗自山南還以宰相杜讓能弟弘微為中書舍人蔡以弘微兄
在中書弟不宜同居禁近封還制書天子不報蔡即移病休官無幾以左散騎常侍
徵還朝政有闕無不上章論列事雖不行喧傳都下執政惡之改國
子祭酒物議以蔡巨諫而置之散地不可執政懼復用為常侍光化
初昭宗還宮廢政未愜蔡立刀形於詩什而嘲之中人或誦其語於上
前昭宗見其激訐謂有蘊蓄就常奏班簿側注云鄭蔡可禮部侍郎
平章事中書胥吏詣其家無不謁蔡笑而問之曰諸君大悞俾天下人
並不識字宰相不及鄭五也胥吏曰出自聖旨特恩來日制下抗其
手曰萬一如此笑殺他人明日果制下親頒來賀搔首言曰歇後鄭
五作宰相時事可知矣累表遜讓不獲既入視事侃然守道無復詆
譖終以物望非宜自求引退三月餘移疾乞骸以太子少保致仕光
化二年卒時議以昭宗命台臣潘朴蔡三人尤謬李未之妖也
劉崇望字希徒其先代仰人隋元魏孝文帝徙洛陽遂為河南人八

代祖隋大理卿坦生政會輔太宗起義晉陽官至戶部尚書封渝國
公圖形凌煙閣政會生玄意尚太宗女南平公主歷洪饒八州採訪
使玄意生奇位至吏部侍郎奇生慎知仕至獲嘉令慎知生駸仕至
京阿令駸生藻位終武書郎藻生符進士登第咸通中位終蔡州刺
史生八子崇龜崇望崇魯崇譽最知名崇龜咸通六年進士擢第累
遷起居舍人禮部兵部二員外丁母憂免廣明元年春鄭從謹罷相
龜太原奏崇龜為度支判官檢校吏部郎中御史中丞賜金紫中和
三年入朝為兵部郎中拜給事中大順中遷左散騎常侍集賢殿學
士判院事改戶部侍郎檢校戶部尚書出為廣州刺史清海軍節度
嶺南東道觀察處置等使卒崇望咸通十五年登進士科王凝廉問
宣歙辟為轉運巡官戶部侍郎裴坦領益鐵辟為叅佐崔安潛鎮許
昌成都崇望昆仲四人皆在安潛幕下入為長安尉直弘文館遷監
察御史右補闕起居郎弘文館學士轉司勳吏部二員外郎崔安潛
為吏部尚書崇望判南曹滌除宿弊復清選却田令孜干政藩鎮怨

望河中尤甚不修職貢僖宗在山南以蒲坂近關欲其効用選使諭旨以崇望為諫議大夫既至諭以大義重榮奉詔恭順誓心臣復請殺朱致自贖使還上悅召入翰林充學士累遷戶部侍郎承旨轉兵部在禁署四年昭宗即位拜中書侍郎同平章事累兼兵部吏部尚書大順初同列張濬畫策討太原崇望以為不可濬果敗濬黜崇望代為門下侍郎監修國史判度支明年玉山都頭楊守信協楊復恭稱兵闕下陣于通化門上陳兵於延嘉門是夜命崇望守度支庫明日曉入舍光門未開門內禁軍列于左右俟門開即劫掠兩市及聞傳呼宰相來門方啓崇望駐馬慰諭之曰聖上在街東親撫戎事公等禁軍何不樓前終賊立取功名切不可剽掠街市圖小利以成惡名也將士唯唯從崇望至長樂門守信見兵來即遁去軍士呼萬歲是日庫市獲全軍人不亂緊崇望之方畧尋加左僕射時溥與朱全忠爭衡全忠謀兼徐泗上表請以重臣鎮徐乃以崇望守本官武寧軍節度使溥不受代行至華陰而還拜太常卿王董盈

王琪爭河中節鉞朝廷以宰相崔胤為河中節度使珂李克用之子壻也河東進奏官薛志勤揚言曰崔相雖重德如作鎮河中代王珂不如光德劉公於我公事素也及三鎮以兵入朝殺害大臣以志勤之言責授崇望昭州司馬及王行瑜誅太原上表言崇望無辜放逐時已至荆南有詔召還拜吏部尚書未至王溥再知政事兼吏部尚書乃改崇望兵部尚書時西川侵寇顧彥暉欲併東川以崇望檢校右僕射平章事梓州刺史劔南東川節度使未至鎮召還復為兵部尚書光化二年卒時年六十二冊贈司空崇魯廣明元年登進士第鄭從謹奏充太原推官時凡崇龜為節度判官昆仲同居幕府尋轉掌書記中和三年入朝拜右拾遺左補闕景福初以水部員外郎知制誥二年杜讓能得罪昭宗復命常昭度為相翰林學士李谿同平章事崇魯與崔昭緯相善昭緯恃邪岐之援讓能既誅之後權歸於已昭宗師李谿為文懼居位得寵則恩顧漸衰乃私與崇魯謀沮之及谿宣制之日出班而哭謂昭緯曰朝廷雖乏賢不可用繼人為宰

輔谿比依復恭重遂居內職前日杜太尉狼籍爲朝廷深耻今則削弱如此安可更遵覆轍乎由是谿命不行谿自十一月初至歲暮聯上十表訴寃其詞詆毀所不忍聞明年春復命谿爲平章事昭緯召李茂貞王行瑜韓建稱兵入朝殺昭度與谿其年太原誅王行瑜昭緯貶官崇魯坐貶崖州司戶初崇龜在外聞崇魯大恚數日不食謂所親曰吾家兄弟進身有素未嘗以聲利敗名吾門不幸生此等兒崇謨中和三年進士及第乾寧末爲太常少卿弘文館直學士徐彥若天后朝大理卿有功之裔曾祖宰祖陶父商三世繼登進士科商字義聲大中十三年及第釋褐祕書省校書郎累遷侍御史改禮部員外郎尋知制誥轉郎中召充翰林學士拜中書舍人戶部侍郎判本司事檢校戶部尚書襄州刺史山南東道節度等使入爲御史大夫咸通初加刑部尚書充諸道鹽鐵轉運使遷兵部尚書東莞子食邑五百戶四年以本官同平章事六年罷相檢校右僕射江陵尹判兩節度觀察等使入爲吏部尚書累遷太子太保卒彥若咸通

十二年進士擢第乾符末以尚書郎知制誥正拜中書舍人昭宗即位遷御史中丞轉吏部侍郎檢校戶部尚書代李茂貞爲鳳翔節度使茂貞不受代復拜中丞改兵部侍郎同平章事進加中書侍郎累兼左僕射監修國史扈昭宗石門還宮加開府儀同三司守司空進封齊國公太清宮修奉太廟等使加弘文館大學士賜扶危匡國致理功臣名昭宗自華還宮進位太保門下侍郎昭宗在御專權以彥若在已上欲事權萃於其門二年九月以彥若檢校太尉同平章事廣州刺史清海軍節度嶺南東道節度等使卒於鎮弟樞位至太常少卿子縮天祐初歷司勳兵部二員外戶部兵部二員外
陸康字祥文本名允迪吳郡人徙家于陝今爲陝州人曾祖灋位終殿中侍御史祖師德莊南觀察父使父鄴陝州法曹孫軍辰光啓二年登進士第其年從僖宗幸興元九月宰相韋昭度領鎔鐵奏爲巡官明年宰相孔緯奏大興館得校書郎等丁母憂免職紀元年冬召授藍田尉直弘文館遷左拾遺兼集賢學士中丞

唐書一百一十五

五

五

監察御

史大順二年三月召充翰林學士改屯田真外郎
祠部郎中知制誥二年元日朝賀賜金紫之服
辰文思敏速初無思慮揮翰如飛文理俱愜同舍
特異嘗金鑿作賦命學士和成帝覽而嘆絕
陸贄吳通玄兄弟能作內廷文書後來絕不相繼
墜矣乾寧初轉戶部侍郎二年改兵部進階銀青光祿大夫嘉興男
三百戶三年正月宣授學士尋改左丞其年七月改戶部侍郎
同平章事故事三署除拜有必署錢以宴舊僚內者即無斯例辰拜
輔相之月送學士光院錢五口貫特舉新例內署祭之八月加中書
侍郎集賢殿大學士判戶部
之起也辰堅請曰播越之後凶步初集不宜與近輔交惡必為他盜
所窺加以親王統兵物議騰口無益於事抵貽後患昭宗已發兵怒
辰沮議是月十九日責授硤州刺史師出果敗車駕出幸四年二月
復授辰工部尚書八月轉兵部尚書從昭宗自華還官明年正月復

拜中書侍郎同平章事光化三年四月兼戶部尚書進封兵部開國
公食邑一千戶九月轉門下侍郎監修國史天復元年五月進階特
進兼兵部尚書加食邑五百戶車駕自鳳翔還京赦後諸道皆降詔
書獨鳳翔無詔辰奏曰鳳翔近在國門責其心迹罪實難容然比來
職貢無虧朝廷未與之絕一朝獨無詔命示人不廣也崔胤怒奏貶
辰沂王傅分司東都削階至正議大夫居無何崔胤誅復授吏部尚
書階封如故從昭宗還洛其年秋昭宗遇弒明年五月責授濮州司
戶與裴樞崔遠獨孤損等被害於滑州白馬驛時年五十九子璵後
為緱氏令

柳璨河東人曾祖子華祖公器僕射公綽之再從弟也父遵璵少孤
貧好學僻居林泉晝則採樵夜則燃木葉以照書性褻直無綠飾宗
人壁珙貴仕於朝鄙璨朴鈍不以諸宗齒之光化中登進士第尤精
漢史魯國顏蕘深重之蕘為中書舍人判史館引為直學士璵以劉
子玄所撰史通譏駁經史過當璵紀子玄之失別為十卷號柳氏釋

史學者伏其優贖遷左拾遺公卿朝野託為牋奏時譽日洽以其博
與目為柳菑子昭宗好文初寵待李谿頗厚谿不得其死心常惜
之求文士似谿者或薦璨高才召見試以詩什甚喜無幾召為翰林學
士崔胤得罪前一日召璨入內殿草制勅胤死之日既夕璨自內出
前驅傳呼相公來人未見制勅莫測所以翌日對學士上謂之曰朕
以柳璨奇特似可獎任若今預政事宜授何官承旨張文蔚曰陛下
拔用賢能固不拘資級恩命高下出自聖懷若循兩省遷轉拾遺超
等入起居即臨大位非宜也帝曰超至諫議大夫可乎文蔚曰此命
甚愜即以諫議大夫半章事改中書侍郎任人之速古無茲例同列
裴樞獨孤損崔遠皆宿素名德遽與璨同列意微輕之璨深蓄怨昭
宗遷洛諸司內使宿衛將佐皆朱全忠腹心也璨皆將迎接之以恩
厚相交結故當時權任皆歸之二年五月西北長星竟天掃太微文
昌帝座諸宿全忠方謀篡代而妖星謫見占者云君臣俱災宜刑殺
以應天變將玄暉張洎謀殺夜冠宿望難制者璨即首誦素所不快者

三十餘人相次誅殺班行為之一空冤聲載路傷害既甚朱全忠心
惡之會全忠授九錫蔣玄暉等別陳意見王殷云五大梁誣玄暉等通
導宮掖欲興復李氏全忠怒捕廷範令河南聚無五車分裂之兼誅
璨臨刑呼曰負國賊柳璨死其宜矣初璨遷洛後累兼戶部尚書守
司空進階光祿大夫益鐵轉運使其弟瑀瑒坐瑒不答死
史臣曰嗚呼李氏之失馭也李沆之氣紛如仁義之徒殆盡孤鳴鴟
嘯瓦解士崩帶河礪獄之門寂無琨逖奮挺揭竿之類唯効敦玄手
未捨於棘矜心已萌于問鼎加以鬻浮士子闡葺鯁濡昧管葛濟時
之才無王謝扶顛之業邀功射利陷族喪邦濬緯養虎於前胤璨剥
廬於後逐徐薛於瘴海置祭朴於巖廊殿廷有哭制之夫輔弼走破
輿之黨九疇既紊百恠斯呈木將朽而蠹蝎生厲既篤而變魑見妖
徒若此亡國宜然何必長星更臨衰運
贊曰蕭召朱玫孔符張濬身世罹殃邦家起釁如木斯蠹自潰於中
抵巇侮亂安責伏戎

唐書列傳卷第一百二十九

唐書列傳卷第一百二十九

劉 昫 等修

聞人銓校刻沈桐同校

朱克融

李載義

楊志誠史元忠附

張仲武子直方

張允伸

張公素

李可舉

李全忠子匡威

匡籌

朱克融賊泚之從孫也祖滔父泗克融少為幽州軍校事節度使劉
總總將歸朝慮其有變籍軍中素有異志者薦之闕下時克融亦在
籍中宰相崔植杜元穎不知兵且無遠畧謂兩河無虞遂奏勒歸鎮
長慶初幽州軍亂囚其帥張弘靖時泗廢疾於家軍中素伏其謀畧
至是衆欲立之泗自以老且病推克融統軍務焉朝廷尋加檢校左
散騎常侍授以符節寶曆二年遣使送方鎮及三軍時服克融怒所
賜踈弱執中使以聞上特優容別命中使宣諭仍改賜衣物流其使
楊文端等先是克融執中使奏稱竊聞陛下欲幸東都請將兵馬并

丁匠五千人修理宮闕迎候車駕又上言無衣擬於朝廷請三十萬
端足以備一歲所費不然則三軍不安天子怒其悖慢取宰臣裴度
謀優容之語見別卷克融官至檢校司空吳興郡王其年五月本州
軍亂殺之子延齡亦遇害次子延嗣竊立尋爲大將李載義所殺
李載義字方毅常山愨王之後代以武力稱繼爲幽州屬郡守載義
少孤與鄉曲之不令者遊有勇力善挽強角能劉濟爲幽州節度使
見而偉之致於親軍從征伐以功遷衙前都知兵馬使檢校光祿大
夫兼監察御史寶曆中幽師殺朱克融其子延嗣竊襲父位不遵朝
旨遣用其人載義遂殺之數其罪以聞敬宗嘉之拜檢校戶部尚書
兼御史大夫封武威郡王充幽州盧龍等軍節度副大使知節度事
未幾李同捷據滄景以邀襲父爵載義上表請討同捷以自効上嘉
其誠懇特加檢校右僕射累破賊軍以功加司空進階金紫大和三
年平滄景策勲加平章事仍賜實封二百戶四年契丹寇邊以兵擊走
之仍庸其名王就加太保五年春爲其部下楊志誠所逐因入覲上

以載義有平滄景之功又能恭順朝旨拜太保同平章事其年改
山南西首節度觀察等使兼興元丹七二平遷北都留守兼太原尹充
河東節度觀察處置等使尋加開府儀同三司丁母憂起復驃騎大
付草餘如故迴鶻每遣使入朝所至強言恭邊城長吏多務苟安不敢
制之以法但嚴兵防守虜益驕悍或突入市肆暴橫無所憚至是有
迴鶻將軍李暢者曉習中國事知不能以法制馭益驕恣鞭撻驛吏
會衆無已載義因召李暢與語曰可汗以將軍朝貢以固舅甥之好
不當使將軍暴踐中華今朝廷饗餼至厚所以禮蕃客也苟有不至
吏當坐死若將軍之部伍不戢凌侮上國剽掠廬舍載義必殺爲盜
者將軍勿以法令可輕而不戒勵之遂罷防守之兵而使兩卒司其
門屬知甘心爲下無敢犯令九年加侍中開成二年卒年五十贈太
尉載義晚年驕恣慘暴一方以楊志誠爲部下所逐過太原載義
躬自殿擊遂欲殺之賴從吏救解以免然而擅殺志誠之妻孥及將
卒朝廷錄其功曲法不問

楊志誠大和五年爲幽州後院副兵馬使事李載義時朝廷賜載義
德政碑文載義延中使擊鞞志誠亦與焉遂於鞠場叫呼謀亂載義
奔於易州志誠乃爲本道馬步都知兵馬使文宗聞之驚急召宰臣
時牛僧孺先至上謂曰幽州今日之事可奈何僧孺曰此不足煩聖
慮臣被召疾趨氣促容臣稍緩息以對上良久曰卿以爲不足憂何
也僧孺對曰陛下以范陽得失繫國家休戚耶且自安史之後范陽
非國家所有前時劉總何化以土地歸關朝廷約用錢八十萬貫而
未嘗得范陽尺布斗粟上供天府則今日志誠之得猶前日載義之
得也陛下但因而撫之亦事之宜也且范陽國家所賴者以其北捍
突厥不令兩寇今若假志誠節鉞惜其土地必自爲力則爪牙之用
固不計於迎順臣固曰不足煩聖慮上大喜曰如卿之言吾洗然矣
尋以嘉王連遙領節度以志誠爲節度觀察留後檢校左散騎常侍
兼幽州左司馬尋改檢校工部尚書節度副大使知節度事七年轉
檢校吏部尚書詔下進奏官徐迪詣中書白宰相曰軍中不識朝廷

體位只知自尚書改僕射爲遣何知工部轉吏部爲美且軍士感飾
以待新恩一旦復爲尚書軍中必慚今中使往彼其勢恐不得出及
使至其僉奔還奏曰楊志誠怒不得僕射三軍亦有怨言春衣使魏
寶義兼他使焦奉鸞尹士恭並爲志誠繫留矣志誠遣將王文穎謝
恩并讓官復賜官告批荅文穎不受而歸朝廷納裴度言務以含垢
下詔諭之因再遣使加尚書右僕射八年爲三軍所逐而立史元忠
元忠進志誠所造袞龍衣二副及被服鞞鞞皆綉飾鸞鳳日月之形
或爲王字因付御史臺按問流嶺南行至高州殺之初元忠既逐志
誠詔以通王淳遙領節度授元忠左散騎常侍幽州大都督府左司
馬知府事充節度留後明年轉檢校工部尚書節度副大使知節度
事後爲偏將陳行泰所殺

張仲武范陽人也仲武少業左氏春秋擲筆爲薊北雄武軍使會昌
初陳行泰殺節度使史元忠權主留後俄而行泰又爲次將張絳所
殺令三軍上表請降符節時仲武遣軍吏吳仲舒表請以本軍伐叛

上遣宰臣詢其事仲舒曰絳與行泰皆足遊客主軍人心不附仲武是軍中舊將張光朝之子年五十餘兼曉儒書老於戎事性抱忠義願歸心闕廷李德裕因奏陳行泰張絳皆今大將上奏邀求節旄所以必不可與今仲武上表布誠先陳密款因而援用即似有名許之乃授兵馬留後詔撫王紘遙領節度尋改仲武節度副大使知節度事檢校工部尚書幽州大都督府長史兼御史大夫蘭陵郡王俄而迴鶻擾邊時迴鶻有將勒那頡斡擁赤心宰相一族七千帳東逼漁陽仲武遣其弟仲至與裨將苻奉寰王如清等率銳兵三萬人大破之前後收其侯王貴族千餘人降三萬人獲牛馬橐駝旗纛蜀幕不可勝計遣從事李周曠牙門將國從玘相次獻捷詔加檢校兵部尚書兼東面招撫迴鶻使先是奚契丹皆有迴鶻監護使督以歲貢且為漢謀至是遣裨將石公緒等諭意兩部凡戮八百餘人又迴鶻初遣宣門將軍等四十七人詭詞結散潛同邊隙仲武使密賂其下盡得陰謀且欲馳入五原驅掠維虜遂逗遛其使緩彼師期人馬病死

禿不遣之迴鶻鳥介可汗既敗不敢近邊乃依康居求活盡徙餘種寄託黑車子仲武由是威加北狄表請於朝北立紀聖功銘勅李德裕為之文其銘曰大和之初赤氣宵興開成之末彤雲暮凝異鳥南來胡滅之徵北夷颺掃厥國土崩逼迫遷徙震我邊鄙長蛇去穴奔鯨失水上却薊門兵運千里曾不畏天猶為驕子而我邊殺邀我王師假我一城建彼幡旗歸計強漢邳支嫚辭狼顧朔野伏莽見羸鴈門之地羗戎雜處濺濺群羊茫茫大鹵縱其鳥騎驚我牧園暴若豺狼疾如風雨三赫斯怒羽檄徵兵謀而泉默斷乃霆聲沉機變化動合神明沙漠之外虜無隱情漁陽突騎燕歌壯氣赴赴元戎耽耽虎視金鼓警警三旌蔽地爰命其弟屬之大事翩翩飛將董我三軍稟凡之制代帥之勤威略火烈胡馬星分戈迴白日劍薄浮雲天街之北旄頭已落緜緜之野蚩尤未縛俘我元侯恢弘遠畧終取單于係之徽索陰山窺野亭徵伐弓萬里昆夷九譯而通蠻夷既同天子之功儒臣篆策刊石垂鴻仲武歷官至司徒中書門下平章事大中年

卒謚曰莊子以幽州節度副使襲父位動多不法慮為將卒所圖三年冬詔以莊奔赴闕廷尋授金吾將軍直方性率暴行豪奪之事以罪累貶檢校司馬十一年遷右驍衛將軍分司東都咸通中位至羽林統軍中和賊黨犯關公卿恃其豪多隱藏於第直方納招亡命謀欲劫巢或有告者由是以兵圍而害之

張允伸字逢昌范陽人也曾祖秀檀州刺史祖巖納降軍使父朝掖贈太尉允伸世仕幽州軍門累職至押衙兼馬步都知兵馬使大中四年武帥周緝寢疾表允伸為留後朝廷可其奏加右散騎常侍其年冬詔賜旌節遷檢校工部尚書咸通九年累加至光祿大夫檢校司徒兼太傅同中書門下平章事燕國公十年徐人作亂請以弟允臯領兵伐叛懿宗不允進助軍米五十萬石鹽二萬石詔嘉之賜以錦綵玉帶金銀器等又加特進兼侍中十二年以風恙拜章請就醫療詔許之以子簡會檢校工部尚書充節度副大使十三年允伸再上表乞納所賜旌節命未至其年正月二十五日卒年八十八

冊贈太尉謚曰忠烈允伸領鎮凡二十三年克勤克儉比歲豐登邊

鄙無虞軍民用又至今談者美之有子十四人簡真幽府左司馬先

允伸卒簡壽右領軍衛大將軍餘或昇朝籍或為刺史郡佐

張公素范陽人咸通中為幽州軍校事張允伸累遷至平州刺史允

伸卒子簡會權主留後事公素領本郡兵赴焉三軍素畏公素威望

簡會知力不能制即時出奔遂立為帥朝廷尋授節旌累加至中書

門下平章事無幾李茂勳奪其位公素歸闕貶復州司戶參軍

李可舉本迴鶻阿布思之族也張仲武破迴鶻可舉父茂勳與本部

侯王降焉茂勳善騎射性沉毅仲武器之常遣拓邊以功封郡王賜

姓名咸通末納降軍使陳貢言者幽之宿將人所信服茂勳密謀劫

而殺之聲云貢言舉兵張公素以兵逆擊不利公素走茂勳入城軍

民方知其非貢言也既有其衆遂推而立之朝廷即降符節無幾以

疾告老授右僕射致仕表可舉自節度副使幽州左司馬加右散騎

常侍為節度留後中和中累官至檢校太尉中和末以太原李克用

兵勢方盛與定州王處存密相締結可舉慮其窺伺山東終為已患
遂遣使構雲中赫連鐸乘其背則與鎮州合謀舉兵兼言易定是燕
趙之餘云得其地則正其疆理而分之時可舉遣將李全忠攻易州
有次將劉仁恭者多權數攻之彌月不下乃穴地道以入其城既下
易州士卒稍驕王處存引輕軍三千以羊皮蒙之夜伏於城外仍別
於間道以騎士伺之燕軍望見謂之羣羊爭趨焉處存乘其無部伍
一擊大敗之尋復其城全忠遁歸懼可舉罪之收其餘眾反攻幽州
可舉危怠收集其族登樓自燔而死

李全忠范陽人廣明中為棣州司馬有蘆生于室一尺三節心惡之
謂別駕張建曰吾室生蘆無乃怪歟建曰蘆茅類得澤而滋公家有
茅土之慶殆天意乎共生三節必傳節鉞者三人公勉樹功名無忘
斯言全忠秩滿還鄉里事節度使李可舉為牙將時可舉兵鋒方盛
欲與鎮人分易定遣全忠將兵攻之為定州軍大敗於易水全忠懼
率其餘眾掩攻幽州可舉死三軍推全忠為留後朝廷因以節鉞授

之光啓元年春也全忠卒子匡威自襲父位稱留後匡威素稱豪爽
屬遇亂離繕甲燕薊有吞四海之志赫連鐸據雲中屢引匡威與河
東爭雲代交兵積年景福初鎮州王鎔誘河東將李存孝克用怒加
兵討之時鎔童幼未援於燕匡威親率軍應之二年春河東復出師
并陘再乞師匡威來援匡威弟匡籌妻張氏有國色師將發家人會
別匡威酒酣哥弔氏報之匡籌私懷忿怒匡威軍至博野匡籌乃據
城自為節度匡威部下聞之亡歸者半匡威退無歸路將入覲京師
時匡威留於深州遣判官李抱貞奏章以聞屬京師大亂之後聞匡
威來朝市人震怒咸曰金頭王來謀社稷士庶有亡窟山谷者匡威
其實不行欲圖鎮州示無留意鎔以匡威再來援已致其失師遣使
迎歸府第父事之匡威為鎔城郭繕甲指陳方畧視鎔如子每陰謀
驟施以悅人心鎮之三軍素忠於王氏惡其所為會鎔過匡威第慰
忌辰匡威縞衣裹甲伏兵劫鎔入牙城鎔兵逆戰燔東偏門軍士呼
譟登屋矢下如雨鎔僕墨君和亂中扶鎔登屋免難而斬匡威以徇

是歲匡籌出師攻鎮之樂壽武強以報耻匡威部曲劉仁恭歸於河
東乾寧元年冬河東聽仁恭之謀出師進討二月敗燕軍於居庸匡
籌挈其族遁去將赴京師至景城爲滄州節度使盧彥威所殺掠其
輜車妓妾匡籌妻張氏產於路不能進劉仁恭獲之獻於李克用後
立爲夫人嬖寵專房李父子三葉十年而亡

史臣曰大都偶國亂之本也故古先哲王建國公侯之封不過千乘
所以強幹弱枝防其悖慢彼幽州者列九圍之一地方千里而遙其
民剛強厥田沃壤遠則慕田光荆卿之義近則染祿山思明之風二
百餘年自相崇樹雖朝廷有時命帥而土人多務逐君習苦忘非尾
大不掉非一朝一夕之故也若李載義張仲武張允仲因利乘便獲
領旌旗以仁守之恭順朝言亦足多也如朱克融楊志誠史元忠張
公素李可舉李全忠以不仁得之靡更曩志或尋爲篡奪或僅傳子
孫咸非令終蓋其宜也
資曰碣石之野氣勁人豪二百餘載日相尊高載義仲武亦多忠勞

餘因窳得不仁何逃

唐書列傳卷第一百三十

劉 昫 等修
聞人銓校刻沈桐同校

史憲誠 子孝章

何進滔

韓允忠

樂彥禎

羅弘信 子威

史憲誠其先出於奚虜今為靈武建康人祖道德開府儀同三司試太常卿上柱國懷澤郡王父周洛為魏博軍校事田季安至征馬大使銀青光祿大夫檢校太子賓客兼御史中丞柱國北海郡王憲誠始以材勇隨父歷軍中右職兼監察御史元和中田弘正討李師道令憲誠以先鋒四千人濟河累下其城柵復以大軍齊進乘勢逐北魏之全師迫于鄆之城下師道窮蹙劉悟斬首投魏軍錄功超授憲誠兼中丞鎮州王承宗死弘正自魏移領鎮州居數月為王庭湊所殺遂以兵叛朝廷以弘正子布為魏博節度使領兵討伐俾復父冤時幽州朱克融援助廷湊布不能制因自引決軍情囂然憲誠為中

軍都知兵馬使乘亂以河朔舊事動其人心諸軍即擁而歸魏共立
為帥國家因而命之時克勤廷湊並據兵為亂憲誠喜得旄節雖外
順朝言而中與朱王為輔車之勢長慶二年正月也尋遣司門郎中
韋文恪宣慰時李宥為亂與憲誠書問交通憲誠表請與宥節鉞仍
於黎陽艤舟示欲渡河及見文恪舉止驕倨其言甚悖旋聞宥為帳
下所殺乃從改過謂文恪曰憲誠蓄人猶狗也唯能識主雖被棒打
終不忍離其狡譎如此朝廷每為優容尋加左僕射敬宗即位進秩
司空大和二年滄景節度使李全畧卒其子同捷竊據軍城表邀符
節舉兵伐之先是憲誠與全畧婚媾及同捷叛復潛以糧餉為助上
屢發使申諭尋又就加平章事憲誠嘗遣驍將至關下恣為張大宰
相韋處厚以語折剉之憲誠不敢復與同捷為應時憲誠示出師共
討同捷及滄景平加司徒憲誠心不自安乃遣子孝章入覲又飛章
願以所管奉命上嘉之乃加侍中移鎮河中憲誠素懷向背不能以
忠誠感激其衆未及出城大和三年六月二十六日夜為軍衆所害

冊贈太尉

孝章幼聰悟好學元和中李愬為魏帥取大將子弟列于軍籍孝章
倡言願効文職胡奇之令擢府參軍及憲誠領節鉞收士曹叅軍兼監
察御史賜緋孝章以父在鎮多違朝言嘗雪涕極諫備陳逆順之理
朝廷聞而嘉之乃授檢校太子左諭德兼侍御史充節度副使累遷
至散騎常侍兼御史大夫賜紫領本道兵同平滄景加工部尚書尋
請赴闕文宗慰勞甚厚憲誠亦因懇乞朝覲上知憲誠之入覲自孝
章之謀遂加禮部尚書分相衛三州別為一鎮俾孝章領之孝章
未到鎮憲誠遇害上以孝章有忠節之復為右金吾衛將軍間歲授
鄜坊節度使君四年遷于滑一歲入為右領軍大將軍改右金吾大
將軍俄授邠寧節度孝章歷三鎮雖無異績而謹身畏法以保初終
開成三年十月卒贈右僕射

何進滔靈武人也曾祖孝物祖俊正本州軍校父默夏州衙前兵馬
使檢校太子賓客試太常卿以進滔之貴贈左散騎常侍進滔客寄

於魏委質軍門事節度使田弘正弘正奉詔討鄆州破李師道時進
滔為衛內都知兵馬使以功授兼侍御史大和三年軍衆害史憲誠
連聲而呼曰得衛內都知兵馬使何端公知若後即三軍安矣推而
止之朝廷因授進滔左散騎常侍魏博等州節度觀察處置等使為
魏帥十餘年大得民情累官至司徒平章事卒于弘敬襲其位朝廷
時遣河中帥李執方滄州帥劉約各遣使勸令歸闕別俟朝旨弘敬
不從竟就加節制及劉稹反不時起兵鎮州王元逵下邢洛二州兵
次上黨弘敬方出師墜境大中後宣宗務其姑息繼加官爵亦至使
相咸通初卒于全暉嗣之朝廷尋降符節累官亦至同平章事十一
年為軍人所害子孫相繼四十餘年

韓允忠魏州人也舊名君雄懿宗改賜今名父國昌歷本州右職會
昌中從何弘敬破劉稹以功為貝州刺史兼御史中丞以允忠故累
贈兵部尚書允忠少仕軍門繼升裨校潞州之役亦與其行咸通十
一年何全勳為軍衆所殺推允忠為帥時僖宗為普王即降詔遙領

節度授允忠左散騎常侍兼御史中丞充節度觀察留後不數月轉
檢校工部尚書魏州大都督府長史充魏博節度觀察等使累加至
檢校司空同平章事乾符元年十一月卒年六十一累贈太尉子簡
自允忠初受戎帥便為節度副使乾符初累官至檢校工部尚書允
忠卒即起復為節度觀察留後踰月加檢校右僕射其後累加至侍
中封昌黎郡王賊巢之亂諸葛爽受其偽命河陽節度使時僖宗在
蜀寇盜蜂起簡據有大州甲兵強盛竊懷僭亂之志且欲啓其封疆
乃舉兵攻河陽爽奔城而走簡遂留兵保守因北掠邢洛而歸遂移
軍攻鄆帥曹全勳出戰為簡所敗死之鄆將崔君裕收合殘衆保
鄆州簡進攻其城半年不下河陽復為諸葛爽所襲簡因欲先討君
裕次及河陽乃舉兵至鄆君裕請降尋移軍復攻河陽行及新鄉為爽
軍逆擊敗之簡單騎奔迴憂憤疽發背而卒時中和元年十一月也
樂彥禎魏州人也父少寂歷澶博貝三州刺史贈工部尚書彥禎少
為本州軍校韓簡之領節旄也以彥禎為馬步軍都虞候轉博州刺

史下河陽走諸葛爽有功遷澶州刺史簡再討河陽之敗也彥禎以一軍先歸魏人遂共立之朝廷尋授檢校工部尚書知魏博留後俄加戶部尚書充節度觀察處置等使中和四年累加至尚書左僕射同平章事僖宗自蜀迴加開府儀同三司冊拜司徒彥禎志滿驕大動多不法一旦徵六州之衆板築羅城約河門舊堤周八十里月餘而畢人用怨咨又其子從訓天資悖逆王鐸自滑移鎮滄州過魏郊從訓見其女妓利之先伏兵於漳南高雞泊俟鐸之至圍而害之掠其所有時朝廷微弱不能詰魏人素知鐸名望議者惜之而罪從訓從訓又召亡命之徒五百餘輩出入卧內號為子將委以腹心軍人籍籍各有異議從訓聞而忌之易服遁出止於近縣彥禎因命為六州都指揮使未幾又兼相州刺史到任之後般輦軍器取索錢帛使人來往交午塗路軍府疑貳彥禎危憤而卒衆推都將趙文珣知留後事從訓自相州領兵三萬餘人至城下文珣按兵不出衆懷疑懼復害文珣推羅弘信為帥弘信以兵出戰敗之從訓招集餘衆次於洹水弘信遣將程公佐領兵計擊大敗之梟從訓首於軍門時文德元年春也

羅弘信字德孚魏州貴鄉人曾祖秀祖珍父讓皆為本州軍校從信少從戎役歷事節度使韓簡樂彥禎尤啓末彥禎子從訓忌牙軍出居於外軍衆發彥禎推趙文珣權主軍州事衆復以為不便因推弘信為帥先是有鄰人密謂弘信曰某嘗夜過一白鬚翁相告云君當為土地主如是者再三弘信竊異之及廢文珣軍人聚呼曰孰願為節度使者弘信即應之曰白鬚翁早以命我衆乃環而視之曰可也由是立之僖宗聞之文德元年四月詔加工部尚書權知節度留後七月復加金紫光祿大夫檢校尚書右僕射充魏博節度觀察處置等使龍紀中加檢校司空同平章事封豫章郡公乾寧中朱全忠急攻兗鄆朱瑄求援於太原太原發軍假道於魏令大將李存信屯莘縣存信御軍無法侵魏之芻牧弘信不平之全忠復遣人謂之曰太原志吞河朔迴戈之日貴道堪憂弘信乃託好於汴出師三萬攻存

信敗之太原怒舉兵攻魏營於觀音門外汴將葛從周援之屯於洹水李克用子落落時為鐵林軍使為從周所擒乃退歸自是太原之師每歲侵擾相魏魏人患之朱全忠方事突鄆懼弘信離貳每歲時賂遣必卑辭厚禮答貺全忠對魏使北面拜而受之曰六兄比子倍年已上兄弟之國安得以常鄰遇之弘信以為厚已亦推心焉弘信累官至檢校太師守侍中臨清王光化元年九月卒年六十三贈太師追封北平王謚曰莊肅子威

威字端已文德初授左散騎常侍充天雄軍節度副使自龍紀至乾寧十年之中累加官爵弘信卒襲父位為番後朝廷從而命之天復末累加至檢校太傅兼侍中長沙王天祐初授檢校太尉守侍中進封鄴王賜號忠勤宣力致理功臣魏之牙中軍者自至德中可承嗣盜據相魏澶博衛貝等六州召募軍中子弟置之鄆下遂以為號皆豐給厚賜不勝驕寵年代寢遠父子相襲親黨膠固其兇戾者強冒豪奪踰法犯令長吏不能禁變易主帥有同兒戲如史憲誠何進

者雄傑彥復皆為其所立優獎小不如意則舉族被害威懲其在禁雖以貨賂姑息而心銜之威嗣世之明年正月幽州劉仁恭擁兵十萬謀亂河朔進陷貝州長驅攻魏威求援於汴朱全忠遣將李思安屯於洹水葛從周自邢洛引軍入魏燕將劉守文單可及攻汴軍於內黃思安逆戰大敗之乘勝追躡從周出會掩擊復敗燕軍斬首三萬三年威引汴軍攻滄州以報之自是威感全忠援助之恩合從景祐天祐二年七月十三日夜牙軍裨校李公佺作亂威僅以身免公佺出奔滄州自是愈懼遣使求援於全忠密謀破之全忠遣李思安會魏博軍再攻滄州全忠女妻威子廷規先是卒全忠遣長直軍校馬嗣勳選兵千人密於輿中實兵甲入魏言助文葬事三年正月五日嗣勳至全忠親率大軍濟河言視行營於滄景威欲因而出迎至期即假全忠帳下就卒入而夾攻之牙軍頗疑堅請不出威恐洩其事慰納之是月十四日夜率所養百十輩與嗣勳合攻之時宿於牙城者千人遲明皆之殆盡凡八千家皆破其族魏軍攻滄州者在

歷亭聞有變其母史仁遇擁之保于高堂六州之內皆為讎敵累月
平之威仕梁數年後卒年三十四位至守太師兼中書令贈尚書令
諡曰貞壯感性明敏達於吏道伏膺儒術招納文人聚書至萬卷毋
花朝月夕與賓佐賦詠甚有情致錢塘人羅隱者有當世詩名自號
江東生感遺使賂遺叙其宗姓推為叔父隱亦集其詩寄之威酷嗜
其作目已所為曰偷江東集凡五卷今鄴中人士諷詠之
貞臣曰魏鎮燕三鎮不能制之也父矣兵強地廣合從連衡爵命雖
假於朝廷群臣自謀於元帥如史憲誠等五家其初皆因此而得之
其後亦因此而失之蓋不知取之以權守之以仁則遠矣若善繼者
史氏羅氏之二子有焉其餘不足觀也
贊曰逆取順守古亦有之如其逆守滅亡必隨史何韓樂世數盛衰
足以為鑒矣茲在茲

唐書列傳卷第一百三十一

唐書列傳卷第一百三十二

劉 昫 等修

聞人詮校刻沈桐同校

王重榮

王處存 弟處直

諸葛爽

高駢 弟師範

時溥

朱瑄 弟瑑

王重榮河中人父縱鹽州刺史咸通中有邊功重榮以父蔭補軍校
與兄重盈俱號驍雄名震軍中廣明初重榮為河中馬步軍都虞候
巢賊據長安蒲帥李都不能拒稱臣於賊賊偽授重榮節度副使河
中密邇京師賊徵求無已軍府疲於供億賊使百輩填委傳舍重榮
謂都曰吾以外援未至詭謀附賊以紓難今軍府積實苦被徵求復
來收兵是賊危我也儻不改圖危亡必矣請絕橋道嬰城自固都曰
吾兵微力寡絕之立見其患唯公圖之願以節鉞假公翌日都歸行
在重榮知留後事乃斬賊使求援鄰藩既而賊將朱温舟師自同州
至黃鄴之兵自華陰至數萬攻之重榮戒勵士眾大敗之獲其兵仗

軍聲益振朝廷遂授節鉞檢校司空時中和元年夏也俄而忠武監軍楊復光率陳蔡之師萬人與重榮合賊將李祥守華州重榮合勢攻之擒祥以徇俄而朱溫以同州降賊既失同華狂躁益熾黃巢自率精兵數萬至梁田坡時重榮軍華陰南楊復光在渭北犄角破賊出其不意大敗賊軍獲其將趙壇巢中流矢而退而重榮之師亡耗殆半懼賊復來深憂之謂復光曰軍雖小捷銳旅亡失萬一賊儻復來其將何軍以應吾之成敗未可知也復光曰鴈門李僕射與僕家出事舊其尊人與僕父兄同患難僕射奮不顧身死義知己儻得李鴈門為援吾事濟矣因遣使傳詔與明年李克用領軍至大敗巢賊收復京城其倡義啓導之功實重榮居首京師平以功檢校太尉同平章事瑯琊郡王光啓元二僖宗還京喪亂之後六軍初復國藏虛竭觀軍容使田令孜奏以安邑解縣兩池權課自屬省司以充贍給舊事河中節度兼推使每年額輸省課重榮累表論列既循往例兼恃大功令孜不許奏請移重榮為定州節度制下不奉詔令孜率

禁軍攻之屯于沙苑為重榮擊敗之十二月令孜挾天子出幸寶雞太原聞之乃與重榮入援京師遣使迎駕還宮令孜尤懼却劫幸山南及朱玫立襄王稱制重榮不受命會太原之師於河西以圖興復明年王行瑜殺朱玫僖宗反正重榮之忠力居多重榮用法稍嚴季年尤甚部下常行儒者嘗有所譴罰深銜之光啓三年六月行儒以兵攻府第重榮夜出於城外別墅詰旦為行儒所害行儒乃推重盈為帥重盈既立誅行儒與其黨安集軍民乾寧初重盈卒軍府推行軍司馬王珂為留後重盈子琪時為陝帥瑤為絳州刺史珂即重榮兄重簡子出繼重榮絲是爭為蒲帥瑤琪上章論列又與朱溫書云珂非吾兄弟子家之蒼頭也小字蟲兒安得繼嗣珂上章云亡父有興復之功遣使求援於太原太原保薦於朝琪厚結王行瑜李茂貞韓建為援三鎮互相表薦昭宗詔諭之曰吾以太原與重榮有再造之功已俞其奏矣故明年五月茂貞等三人率兵入觀賊害時政請以河中授瑒瑒瑤連兵攻河中李克用怒出師討三鎮瑒瑒兵退克

用拔絳州斬瑤乃師於渭北天子以珂為河中節度授以旄鉞仍充
供軍糧料使既誅王行瑜克用以女妻之珂親至太原太原令李嗣
昭將兵助珂攻琪琪每戰頻敗琪性慘刻人有踰犯必斬首置於座
前言笑自若部下咸苦之因其削弱皆懷離叛光化二年六月部將
李璠殺琪自稱留後光化末朱溫初伏鎮定將圖關輔屬劉季述廢
立之際京師倏擾崔胤潛乞師於亦以圖反正溫謂其將張存敬侯
言曰王珂恃太原之勢侮慢藩鄰骨肉相殘自大其事爾為我持一
繩以縛之存敬等率兵數萬渡河由含山出其不意天復元年正月
兵攻晉絳珂將絳州刺史陶建釗晉州刺史張漢瑜既無備即開門
降溫令別將何緄守晉州扼其援路二月存敬大軍逼河中珂遣告
急於太原晉絳既當兵衝援師不能進珂妻書告太原曰賊勢攻逼
朝夕為俘囚乞食大梁大人安忍不救克用曰賊阻前途眾寡不敵
救則與爾兩亡可與王郎歸朝廷珂計無從出即謀歸京師又使人
告李茂貞曰聖上初返正詔藩鎮無相侵伐同匡王室朱公不顧國

家約束卒遣賊臣急攻敝邑則朱公之心可見矣 敝邑若亡則同輩
亦歧非諸君所能保也天子神器拱手而授人矣此自然之勢也公
可與華州令公早出精銳固潼關以應敝邑僕自量不武請於公之
西偏求為鎮守此地請公有之關西安危國祚正促繫公此舉也茂
貞不答珂勢蹙將渡河歸京師人情離合時河橋毀圮麥漸饑塞舟
楫難濟珂族驍舟有曰珂夜自慰諭守畔者默然無應牙將劉訓夜
半至珂寢門珂叱之曰兵欲反耶訓解衣袒索曰公苟懷疑訓請斷
辭珂曰事勢如何計將安出訓曰若夜出整棹待濟人必爭舟苟一
夫鷁張其禍莫測不如侯明旦以情論三軍願從者必半然後登舟
赴關可以前濟不然則召諸將校且為款狀以緩賊軍徐圖向背策
之上也珂然之即登城謂存敬曰吾於汴王有家世事分公宜退舍
侯汴王至吾自聽命存敬即日退舍三月朱溫自洛陽至先哭於重
棨之墓悲不自勝陳辭致祭蒲人聞之感悅珂欲面縛牽羊以見溫
報曰太師阿舅之恩何時可忘耶郎君若以亡國之禮相見黃泉其

謂我何及珂出迎之於路握手歎歎聯轡而入居半月以存敬守河
中珂舉家徙于汴後温令珂入覲遣人殺之於善州傳舍自重榮初
帥河中傳至珂二十年

王處存京兆萬年縣勝業里人世隸神策軍為京師富族財產數百
萬父宗自軍校累至檢校司空金吾大將軍左衛使遙領興元節度
宗善與利乘時貿易由是富擬王者仁宮因貴而貴侯服玉食僮奴
萬指處存起家右軍鎮使累至曉衛將軍左軍使乾符六年十月
檢校刑部尚書義武軍節度使明年黃巢犯關處存宗出幸處存號哭
累日不俟詔命即率本軍入援遣二千人間道往山南衛從車駕時
李都守河中降賊會王重榮斬偽使通使於處存乃同盟誓師營於
渭北時巢賊僭號天下藩鎮多受其偽命唯鄭畋守鳳翔鄭從讜守
太原處存王重榮首倡義舉以招太原儀而鄭畋破賊前鋒王鐸自
行在至故諸鎮翻然改圖以出勤王之師中和元年四月涇原行軍
唐弘夫敗賊將林言尚讓軍乘勝進逼京師處存自渭北親選驍卒

五千皆以白繡為號夜入京城賊已遁去京師故人見處存遮道勸
哭歡呼塞路軍人皆釋兵爭據第宅坊市少年多帶白號雜軍人羣
日賊偵知自灞上復襲京師市人以為王師歡呼迎之處存為賊所
迫收軍還營賊怒召集兩市丁壯七八萬併殺之血流成渠處存家
在京師世受國恩以賊寇未平鑿輿出狩每言及時事未嘗不喑鳴
流涕諸軍義之前後遣使十輩迎李克用既奔世姻好特相款昵洎
收京師王鐸第其功勤王舉義處存為之最收城破賊克用為之最
以功檢校司空後又遣大將張公慶率勁兵三千合諸軍滅賊巢於
泰山以功檢校司徒田令孜討王重榮詔處存為河中節度處存上
章申理言重榮無罪有大功於國不宜輕有除改以搖藩鎮之心初
幽鎮兩藩兵甲強盛易定於其間疲於侵寇及匡威得志驕盈怕欲
兼并之賴與太原姻好每為之援處存亦從鄰以禮優撫軍民折節
下士人多歸之以至抗衡列鎮累加待中以校太尉乾寧二年九月
卒年六十五贈太子太師諡曰忠肅三軍以河朔舊事推其子副犬

使郃為留後朝廷從而命之授以旄鉞尋加檢校司空同平章事累至太保光化三年七月汴無張存敬進寇州旋入祁溝郃遣馬步都將王處直將兵拒之為存敬所敗退營沙河汴人進擊營於懷德驛處直之衆奔撓城中大恐十月郃委城河族奔於太原太原累表授檢校太尉天復初卒於音陽其弟鄴克用以女妻之歷嵐石沔三州刺史大同軍防禦使天祐中卒

處直字允明處存母弟也初為定州後院軍都知兵馬使汴人入寇處直拒戰不利而退三軍大譟推處直為帥及郃出奔乃權留後事汴將張存敬攻城梯衝雲人處直登城呼曰敝邑於朝廷未嘗不忠於藩鄰未嘗失禮不虞君之涉吾地何也朱溫遣人報之曰何以附太原而弱鄰道處直報曰吾兄與太叔同時立勲王室地又親鄰脩好往來常道也請從此改圖溫許之仍歸罪於孔目吏梁問出絹十萬匹牛酒以犒汴軍存敬脩盟而退溫因表授旄鉞檢校左僕射天祐元年加大保封太原王後仕偽梁授北平王檢校太尉不數歲

於莊宗後十餘年為其子都廢歸私第尋卒年六十一

諸葛爽青州博昌人役屬縣為伍伯為令所督乃奔役以里謳自給會龐勛之亂乃委身為徐卒累軍功至小校官軍討徐龐勛勢蹙率百餘人與泗州守將陽華歸國累授汝州防禦使李琢為招討使討沙陁於雲州表爽為副廣明元年賊陷京師詔爽率代北行營兵馬赴難關中爽軍屯櫟陽潼關不守車駕出幸爽乃降賊巢以爽為河陽節度使巢賊敗復表歸國進位檢校司徒特魏博簡軍勢方盛中和元年四月魏人攻河陽大敗爽軍於修武爽弃城遁走簡令大將守河陽乃出師討曹全敗於鄆州十月孟州人復誘爽爽自金商率兵千人復入河陽乃搗勞魏人令趙文珩率之而去十一月爽攻新鄉簡自鄆來逆戰軍於獲嘉西北時簡將引魏人入趨關輔誅除巢孽自有圖王之志三軍屢諫不從偏將樂彥禎因衆心搖說激之牙軍奔歸魏州爽軍乘之簡鄉兵八萬大敗奔騰亂死清水為之不流明年正月簡為牙軍所殺爽軍由是大振及巢賊將敗爽復歸國

爽雖起群盜既貴之後善於爲理所至法令澄清人無怨歎人士以此多之光啓二年爽卒帳中將劉經張言以爽子仲方爲孟帥俄而蔡賊孫儒率衆攻之城陷於賊仲方歸於汴儒遂據孟州

高駢字千里幽州人祖崇文元和初功臣封南平王自有傳父承明神策虞候駢家世仕禁軍幼而朗拔好爲文多與儒者遊喜言理道兩軍中貴翕然稱重乃繫之勇爵累歷神策都虞候會党項羗叛令率禁兵萬人戍長武城時諸將禦羗無功唯駢伺隙用兵出無不捷懿宗深嘉之西蕃寇邊移鎮秦州尋授秦州刺史本州經略使先是李琢爲安南都護貪於貨賄虐賦夷獠人多怨叛遂結蠻軍合勢攻安南陷之自是累年亟命將帥未能收復五年移駢爲安南都護至則匡合五管之兵暮年之內招懷溪洞誅其首惡一戰而蠻卒遁去收復交州郡邑又以廣州饋運艱澁駢視其水路自交至廣多有巨石梗途乃購募工徒作法去之由是卅棹無滯安南儲備不乏至今

使治鄆之政民吏歌之南詔蠻寇雋州渡瀘肆掠乃以駢爲成都尹劍南西川節度觀察等使蜀土散惡成都比無坦墉駢乃計每歲完葺之費斂之以博甃雉堞由是完堅傳檄雲南以兵暨境講信修好不敢入寇進位檢校尚書右僕射江陵尹荆南節度觀察等使乾符四年進位檢校司空潤州刺史鎮海軍節度浙江西道觀察等使進封燕國公時草賊王仙芝陷荆襄宋威率諸道帥討逐其衆雖散過江表天子以駢前鎮鄆軍民畏服仙芝徒黨鄆人也故授駢京口節鉞以招懷之尋授諸道兵馬都統江淮鹽鐵轉運等使駢令其將張璘梁纘分兵討賊前後累捷降其首領數十人賊南趨嶺表天子嘉之六年冬進位檢校司徒揚州大都督府長史兼南節度副大使知節度事兵馬都統鹽鐵轉運使如故駢至淮南繕完城壘招募軍旅士客之軍七萬乃傳檄徵天下兵威望大振朝廷深倚賴之進位檢校太尉同平章事既而黃巢賊合仙芝殘黨復陷湖南浙西州郡衆號百萬巢據廣州求天平節鉞朝廷議欲以南海節鉞授之宰相盧

馮與駢素善以駢前在浙西已立討賊之功今方集諸道之師於淮
甸不宜捨賊以弱士心鄭畋議且宜假賊方鎮以紓難二人爭論於
朝以言詞不遜由是兩罷之駢方持兵柄聞朝議異同心頗不平之
廣明元年夏黃巢之黨自嶺表北趨江淮由採石渡江張璠勒兵天
長欲擊之駢怨朝議有不附已者欲賊縱橫河洛今朝廷登振則從
而誅之大將畢師鐸曰妖賊百萬所經鎮戍若隱無人之境今朝廷
所恃者都統破賊要害之地唯江淮為首彼眾我寡若不據津要以
擊之俾北渡長淮何以扼東中原陷覆必矣駢駭然曰君言是也即
今出軍有愛將呂用之者以左道媚駢駢頗用其言用之懼師鐸等
立功即奪已權從容謂駢曰相公勲業高矣妖賊未殄朝廷已有間
言賊若盪平則威望震主功居不賞公安校駕耶為公良畫莫若觀
釁自求多福駢深然之乃止諸將但握兵保境而已其年冬賊陷河
洛中使侃駢討賊冠蓋相望駢終還撓不行既而兩京覆沒盧攜死
駢大閱軍師欲兼并兩浙為孫策三分之計天子在蜀亟命出師中

元二年五月雉離於揚州廡舍占者云野鳥入室軍府將空駢心惡
之其日蓋出兵於東塘結壘而處每日教閱如赴難之勢仍與浙西
周寶書請同入援京師寶大喜即點閱將赴之遣人偵之知其非實
駢在東塘凡百日復還廣陵蓋穰離雉之異也喜宗知駢無赴難意
乃以宰相王鐸為京城四面諸道行營兵馬都統崔安潛副之韋昭
度領江淮鹽鐵轉運使增駢階爵使務並停駢既失兵柄又落利權
攘袂大詬累上章論列語詞不遜其末章曰臣伏奉詔命今臣自省
更勿依違者臣仰天訴地血淚交流如朝戟橫心若湯火在已只如
黃巢大寇圍逼天長小城四旬有餘竟至敗走臣散徵諸道兵甲盡
出家財賞給而諸道多不發兵財物即為已有縱然遣使徵得勅旨
不許過淮其時黃巢殘兇纔及二萬經過數千里軍鎮盡若無人只
如潼關已東止有一徑其為險固甚於并陘豈有狂妄奔衝略無阻
礙即百二之地固是虛言神策六軍此時安在陛下蒼黃西去內官
奔命東來黎庶盡被殺傷衣冠悉遭屠戮今則園陵開毀宗廟荆榛

遠近痛傷遐邇嗟怨雖然姦臣未悟陛下猶迷不思示廟之焚燒不
痛園陵之開毀臣之痛也實在於斯此事見之多年不獨知於今日
況自崔蒲盜起朝廷徵用至多上至帥臣下及裨將以臣所料悉可
坐擒用此為謀安能辦事陛下今用王鐸盡主兵權誠知狂寇必殲
梟巢即覆臣讀禮至宣尼射於矍相之圃蓋觀者如堵檣使子路出
延射曰潰軍之將亡國之大夫與為人後者不入於射也嚴誠如斯
圖功也豈宜容易陛下安忍委敗軍之將陷一儒臣崔安潛到處貪
殘只如西川可為驗矣委之副貳詎可平戎况天下兵驕在處僭越
豈二儒士能戢彊兵萬一乖張將何救助願陛下下念黎庶上為宗
祧無使百代有抱恨之臣千古留刮席之恥臣但慮寇生東土劉氏
復興即軹道之災豈獨往日乞陛下稍留神慮以安宗社今賢才在
野儉人滿朝致陛下為亡國之君此等計將安出伏乞戮賣官鬻爵
之輩徵鯁直公正之臣委之重難置之左右剋復宮闕莫尚於斯若
此時謗排忠臣沉埋烈士臣復宗社未見有期臣受國恩深不覺語

劫無任憂懼之至詔報駢曰省表具悉卿一門忠孝三代勳庸銘於
景鍾煥在青史卿承祖父之訓龔弓冶之基起自禁軍從微至著始
則囊錐露穎稍有知音尋則天驕呈才急於試劾自秦州經略使授
交趾節旄聯翩寵榮汗漫富貴未嘗斷絕僅二十年卿報國之功亦
可悉數最顯赫者安南拒蠻至今海隅尚守次則汶陽之日政聲洽
平洎臨成都脅歸驃信三載之內亦無侵凌創築羅城大新錦里其
為雄壯實少比儔渚宮不暇於施為便當移鎮建鄴纔聞於安靜旋
即渡江自到廣陵併鍾多壘即亦招降草寇救援臨淮大約昭灼功
勳不大於此數者朝廷累加渥澤靡悛徽章位極三公兵環大鎮銅
鹽重務縮握約及七年都統雄藩幅圓幾於萬里朕瞻如太華倚若
長城凡有奏論無不依允其為託賴豈愧神明自黃巢肆毒咸京卿
並不離隋苑豈金陵苑水能遮鵝鸛之雄風伯雨師終阻帆檣之利
自聞歸止寧免鬱陶卿既安住蕪城鄭畋以春初入覲遂命上相親
領師徒因落卿都統之名固亦不乖事例仍加封實貴表優恩何迺

疑忿太深指陳過當移時省讀深用震嗟聊舉諸條粗申報復卿表
云自是陛下不用微臣固非微臣有負陛下者朕拔卿汶上超領劔
南荆潤維揚聯居四鎮縮利則牢益在手主兵則都統當權直至京
北京南神策諸鎮悉在指揮之下可知董制之雄而乃貴作司徒榮
為太尉以為不用何名為用乎卿又云若欲俯念舊勳佇觀後効何
不以王鐸權位與臣主持必能糾率諸侯誅鋤羣盜者朕緣又付卿
兵柄不能翦滅元兇自天長漏網過淮不出一兵曩逐奄殘京國首
尾三年廣陵之師未離封部忠臣積望勇士興譏所以擢用元臣誅
夷巨寇心期貔武便掃攬槍卿初委張璘請放却諸道兵士辛勤召
置容易放還璘果敗亡巢益顛越卿前年初夏逞發神機與京中朝
貴書題云得靈僊教導芒種之後賊必蕩平尋聞圍逼天長必謂死
在卿手豈知魚跳鼎釜狐脫網羅遽過長淮竟為大憝都統既不能
禦遏諸將更何以枝梧果致連犯關河繼傾都邑從來倚仗之意一
旦控告無門疑睇東南惟增悽惻及朕蒙塵入蜀宗廟汚於賊庭天

下人心無不雪涕既知曆數猶在謳謠未移則懷忠抱怒之臣財救
除姦之志便須果決汝可因循况恩厚者其報深位重者其心急
此際天下義舉皆望准海率先豈知近輔儒臣先為首鼠而窮邊勇
將誓志平戎關東寂寥不見干羽泊乎初秋覽表方云以復發兵便
諸軍前并移汶上喜聞兵勢滿見旌幢尋稱宜潤阻艱難從天討謝
玄破符堅於肥水裴度平元齊於淮西未必儒臣不如武將卿又云
石不斥逐邪佞親近忠良臣既不能保家陛下豈能安國忽當今日
棄若寒灰者未委誰是忠良誰為邪佞終日寵榮富貴何嘗不保其
家無人扞禦寇戎所以不安其國豈有位兼將相使帶銅鑿自謂寒
灰豈同浪語卿又云不痛園陵之開毀不念宗廟之焚燒臣實痛之
實有茲也且龜玉毀於殯中誰之過也鯨鯢漏於網外抑有其由卿
等逞強兵身居大鎮不能遮圍擒戮致令脫漏猖狂則上繫天時
下繫人心由人專朕自到四蜀不離一室之中屏棄筮歌杜絕遊獵
盡口布服被身焚香以望園陵雪涕以思宗廟省躬罪已不敢違

臣未悟之言誰人肯認陛下猶迷之語朕不敢當卿又云自來
用時帥上至帥臣下父裨將以臣所料悉可坐擒因此為謀安能
者且十室之邑猶有忠信天下至大豈無英雄況守固城池悉
中縱非盡美安得干欺卿尚不能縛黃巢於天長安能坐擒諸
將只如拓拔思恭諸葛奕輩安能坐擒耶勿務大言不堪垂訓卿又
云王鐸是敗軍之將兼微引嬰相射義者昔曹沐二賊終復魯雝孟
明氏奔竟雪秦恥近代汾陽尚父咸寧太師亦曾不利鼓聲尋則功
成鍾鼎安知王鐸不立大勳卿又云無使百代有抱恨之臣千古望
胡庠之恥但慮寇生東土劉氏復興即軹道之災豈獨往日者我國
家景祚方遠天命未窮海內人心尚樂唐德朕不荒酒色不虧刑名
不結怨於生靈不貪財於富縣自知運曆必保延洪況巡省已來禎
祥若降西蜀半年之內聲名又以備全塞北日南悉來朝貢豈憂善
言並至梯航但慮天寶建中未如今日清宮復國必有近期卿云劉
復興不知誰為其首言曰席之恥比朕於劉盆子耶仍憂軹道
之災方朕於秦子嬰也雖稱直行何太剛誣三復斯言尤深駭異
又云賢才在野檢人滿朝致陛下為亡國之君此何等計將安出矣
乞戮賣官鬻爵之輩徵鯀直公正之臣者且唐虞之世未必盡是忠
良今嚴野之間安得不遺賢彥朕每令銓擇亦遣訪平其於選賢科
兵安人救物但屬收復之業講求理化之基自有長才同匡大計賣
官鬻爵之士中外必不有之勿聽狂辭以資游說且朕遠違宮闕寄
寓巴邛所失恩者甚多尚不與怨卿落一都統何足介懷况天步未
傾皇綱尚整三靈不昧百度猶存但守君臣之軌儀正上下之名分
宜遵教約未可墮凌朕雖沖人安得輕侮但以知卿歲久許卿分深
恩存終始之恩勿貯猜嫌之慮所宜深省無更過言駢始以兵權欲
臨藩鎮吞併江南一朝失之威望頓減陰謀自阻故累表堅論欲其
復故明年四月三鐸與諸道之師敗賊關中收復京城駢聞之悔恨
其狀而部下多叛計無所出乃託求神仙屏絕戎政軍中可否取決
於君用之光啓初僖宗再幸山南李煜僭號偽授駢中書令諸道兵

馬都統江淮鹽鐵轉運等使駢方怨望而甘於偽署稱藩納賄不絕於途宴安自得日以神仙為事呂用之又薦暨工諸葛殷張守一有長年之術駢並署為牙將於府第別建道院院有迎仙樓延和閣高八丈餘飾以珠璣金鈿侍女數百皆羽衣霓服和聲度曲擬之鈞天日與用之守一三人授道家法錄談論於其間賓佐罕見其面府第有隋煬帝所造門屋數間俗號中書門最為宏壯光啓元年無故自壞明年淮南饑蝗自西來行而不飛浮水緣城而入府第道院竹木一夕如剪經像幢節皆齧去其首撲之不能止旬日之內蝗自食噉而盡其年九月雨魚是月十日夜大星隕于延和閣前其聲如雷火光燦地自二年十一月雨雪陰晦至三年二月不解其歲不稔食物踴貴道殣相望饑骸蔽地是月浙西周寶為三軍所逐駢喜以為妖兵當之三月蔡賊過汴口駢令畢師鐸出軍禦之師鐸與高郵鎮將張神劔鄭漢漳等率行營兵反攻揚州四月城陷師鐸囚駢於道院召宣州觀察使秦彥為廣陵帥既而蔡賊揚行密自壽州率兵三萬乘虛攻城城中米斗五十千餓死大半駢家屬並住道院秦彥供給甚薄薪蒸亦闕奴僕徹延和閣欄檻煮革帶食之土相篡啖駢召從事盧沈謂之曰予三朝為國粗立功名比擺脫塵埃自求清淨非與人出爭利一旦至此神道其何望耶掩涕不能已師鐸之入城也愛將申及謂駢曰逆黨人數不多即日弛於防禁願奉令公潛出廣陵依投支郡以圖雪恥賊不足平也若持疑不決及旦不得在公左右駢怯懼不能行其謀九月師鐸出城戰敗應駢而城內應又有尼奉仙自言通神謂師鐸曰揚府災當有大人死應之自此善也秦彥曰大人非高令公耶即令師鐸以兵攻道院守者白駢曰有賊攻門曰此秦彥來整衣候之俄而亂卒并階曳駢致之曰公上負天子恩下陷揚州民淮南塗炭公之罪也駢未暇言言已墮地矣駢既死左右奴客踰垣而遁入行密軍行密聞之舉軍圍素繞城大哭者竟日仍焚紙奠酒信宿不已駢兒姪死於道沉都一次瘞之裹之以甕行密入城以駢孫命峇川官令王喪事葬之不行而命卒後故吏

曠師虔收葬之初師鐸入城呂用之張守一山奔揚行密許言所居
有金行密入城掘其家地下得詞八長三尺每身被符若劍其心刻
高駢二字於符蓋以魅道厭厭其心以至於滅
畢師鐸者曹州冤句人記符初里人王仙聚為盜其陰賣
鄆荆襄師鐸善騎射其徒曰為鷄子仙芝及來降高駢相與黃巢於
浙西皆師鐸梁纘之効也頗寵待之賊不年賊於呂用之傳符俞公
楚姚歸禮皆為用之讒構見殺師鐸意不自安有愛妾復為用之所
奪光啓三年三月蔡賊榜行密逼淮口駢令師鐸率三百騎戍高郵
戍將張神劍亦怒用之兩人謀自安之計用之伺知亟請召還師鐸
母在廣陵遣信令師鐸遁去或謂師鐸曰請殺神劍併高郵之兵趨
府令公必殺用之為解又曰不如投徐州則身存而家保師鐸曰非
計也呂用之誑惑主帥塗炭生民七八年來鬼怨人怒今日之事安
知天不假予誅妖亂而康淮甸耶又曰鄭漢時是我歸順時副使常
切齒於用之今率精兵在淮口聞吾此舉即樂從也乃趨淮口與漢

璋合緝兵千人又相與至高郵問計於張神劍神劍曰公見事晚耶
用之一妖物耳前受襄王偽命作鎮廣州邊留不行志圖淮海節鎮
令公已奪其魄彼一旦成事焉能北面事妖物耶即割許血為盟推
師鐸為盟主稱大丞相移檄郡縣以誅用之守一為名乃署其卒長
唐宏王朗格玄真倪詳遠本趙簡等分董其卒三千人四月趨廣陵
營於大明寺揚州大駭呂用之分兵城守高駢登延和閣聞鼓譟聲
怪之用之曰師鐸兵士迴戈止遏不得適已隨宜處置公幸勿憂苟
不聽徒勞玄女一符耳師鐸陳兵數日用之屢出戰師鐸憂其不尅
求救于宣州秦彥曰苟得廣陵則迎公為帥彥令牙將秦稠率兵三
千助之師鐸門客畢慕顏自城中出曰人心已離破之必矣秦稠軍
至兵威漸振駢聞甚憂謂用之曰吾以心腹仗爾不能駕馭此輩悞
我何多百姓遭罹飢饉不可虐用吾自在手札喻師鐸可令大將一
人自行用之即以其黨許戡送駢書師鐸怒曰梁纘韓問何在令爾
來耶即斬之用之選勁兵自衛一日至道院駢叱去之乃令猶子傑

握牙兵令師鐸母作書遣大將古鏐與師鐸子出城諭之師鐸令子
還白曰不敢負令公恩德正為淮南除弊但斬用之守一即日退還
高郵秦稠攻西南隅城中應之即日城陷呂用之由叅佐門遁走駢
聞師鐸至改服俟之與師鐸交拜如賓主之儀即日署為節度副使
漢璋神劔皆署職事秦稠點閱府庫監守之仍密召彥於宣州或謂
師鐸曰公昨舉兵誅二妖物故人情樂從今軍府已安以事理論之
公宜還政高公自典兵馬戎權在手取捨自由藩鄰聞之不失大義
議者皆言秦稠破城之日已召秦彥彥若為帥兵權非足下有也公
感其援但以金玉報之阻其渡江最為上策若秦彥作帥則楊行密
朝聞夕至如高令復帥外寇必自卷懷師鐸猶豫未決而秦彥軍至
五月彥為節度使署師鐸為行軍司馬移居牙外心頗不悅是月楊
行密引軍攻揚州彥兵拒戰繼敗八月師鐸與鄭漢璋出軍萬人擊
行密皆大敗而還自是不復出九月師鐸殺高駢十月秦彥師鐸突
圍而遁十一月秦彥師鐸引蔡賊孫儒之兵二萬圍揚州行密求救

于朱朱全忠遣大將李審率師淮口以為聲援孫儒以廣陵未下而
亦卒來又慮秦彥師鐸異志四年正月孫儒斬秦彥師鐸于高郵之
南鄭漢璋亦死焉

秦彥者徐州人本名立為卒隸徐州乾符中坐盜繫獄將死夢人謂
之曰爾可隨我及寤械破乃得逸去因改名彥乃聚徒百人殺下邳
令取其資裝入黃巢軍巢兵敗於淮南乃與許勣俱降高駢累奏授
和州刺史中和二年宣歙觀察使竇滂病彥以兵襲取之遂代滂為
觀察使朝廷因而命之光啓三年揚州牙將畢師鐸囚其帥高駢懼
外寇來侵乃迎彥為帥彥召池州刺史趙錕知宣州事自率衆入揚
州師鐸推彥為帥五月壽州刺史楊行密率兵攻彥遣其將張神劔
令統兵屯灣頭山光寺行密屯大雲寺北跨長崗前臨大道自揚子
江北至槐家橋柵壘相臨秦彥登城望之懼形於色令秦稠師鐸率
勁卒八千出關為行密所掩盡沒稠死之彥急求援於蘇州刺史張
雄雄率兵赴之屯于東塘重圍半年城中無糧並盡草根木實市肆

藥物皮囊草帶食之亦盡外軍掠人而賣人五十千死者十六七縱
存者鬼形鳥面氣息奄奄張雄多軍糧相約交市城中以寶貝市米
金一斤通犀帶一得米三斗雄軍得貨不戰而去九月畢師鐸出戰
又敗自是日與秦彥相對差悅問神尼奉仙何以獲濟尼曰走為上
計也十月彥與師鐸突圍投孫儒並為所殺江淮之間廣陵大鎮富
甲天下自師鐸秦彥之後孫儒行密繼踵相攻四五年間連兵不息
廬舍焚蕩民戶喪亡廣陵之雄富掃地矣

時溥彭城人徐之牙將黃巢據長安詔徵天下兵進討中和二年武
寧軍節度使文詐遣溥與副將陳璠率師五千赴難行至河陰軍亂
剽河陰縣迴溥招合撫諭其衆復集懼罪屯于境上詳遣人迎犒悉
恕之溥乃移軍向徐州既入軍人大呼推溥為留後送詳於大彭館
溥大出資裝遣陳璠援詳歸京詳宿七里亭其夜為璠所殺舉家屠
害溥以璠為宿州刺史竟以違命殺詳溥誅璠又令別將帥軍三千
赴難京師天子還宮授之節鉞及黃巢攻陳州秦宗權據蔡州與賊
連結徐蔡相近溥出師討之軍鋒益盛每戰屢捷黃巢之敗也其將
尚讓以數千人降溥後林言又斬黃巢首歸徐州時溥功居第一詔
授檢校太尉中書令鉅鹿郡王宗權未平仍授溥徐州行營兵馬都
統蔡賊平未全忠與之爭功遂相嫌怨淮南亂朝廷以全忠遙領淮
南節度以平孫儒行密之亂汴人應援路出徐方溥阻之全忠怒出
師攻徐自光啓至大順六七年間汴軍四集徐泗三郡民無耕稼頻
歲水災人喪十六七溥窮蹙求和于汴全忠曰移鎮則可然之朝廷
以尚書劉崇望代溥以溥為太子太師溥懼出城見害不受代汴將
龐師古陳兵于野溥求援于兗州朱瑾出兵救之值大雪糧盡而還
城中守陴者飢甚加之病疫汴將王重師牛存節夜乘梯而入溥與
妻子登樓自焚而卒景福二年四月也地入于汴

朱瑄宋州人父慶盜鹽抵法瑄逃於青州為王敬武牙卒中和初黃
巢據長安詔徵天下兵敬武遣牙將曹全最率兵三千赴難關西瑄
已為軍候會青州警急敬武召全最還路由鄆州時鄆帥薛崇為草

賊王仙芝所殺鄆將崔君裕權知州事全晟知其兵寡襲殺君裕據
有鄆州自稱留後以瑄有功署為濮州刺史留將牙軍光啓初魏博
韓簡欲兼并曹鄆以兵濟河收鄆全晟出兵逆戰為魏軍所敗全晟
死之瑄收合殘卒保州城韓簡攻圍半年不能拔會魏軍亂退去朝
廷嘉之授以節鉞時瑄有衆三萬其弟瑾勇冠三軍有爭天下之心
秦宗權之盛也屢侵鄆汴朱全忠為賊所攻甚窘求救於瑄瑄令朱
瑾出師援之擊敗秦宗權全忠乃與瑄情極隆厚全忠狡譎翻覆虎
視藩鄰會宗權誅乃急攻徐州時溥求援于瑄瑄與全忠書請釋溥
脩好偽許之瑄以恩及全忠遣使讓之又令朱瑾出軍援溥及徐泗
平全忠乃移兵攻鄆三四年間每春秋入其境剽掠人不得耕織民
為俘者十五六瑄禦備殫竭景福末與弟瑾合兩鎮之兵與汴人大
戰于魚山下瑄瑾俱敗兵士陷沒汴將朱友裕以長壘圍之乾寧四
年正月城中食竭瑄與妻榮氏出奔至中都為野人所害傳首汴州
榮氏至汴州為尼

宋瑾時之世第... 度瑾將襲取之乃大婚於克讓及親迎瑾異勇士衛從禮會之夜竊
發逐克讓遂據城稱留後朝廷不獲已以節鉞授之及朱瑄平汴人
移兵攻兗經年食盡瑄出城求食比還為別將所拒不得入乃渡淮
依揚行密行密龍守之用為壽州刺史敗汴軍于清口自此全忠
不敢以兵渡淮... 史臣曰疾風知勁草世亂見忠臣誠哉是言也
運中微賊巢僭越藩伯勤王赴難者率有聲而無實唯重榮斬賊使於近關處存舉義
師於安喜橫身泣赴不顧禍患遂得義徒雲合逆黨勢窮且平服冕
乘軒傳家胙土而重榮傷於峻法嚴而少恩禍發輿臺誠悲枉橫高
駢起家禁旅願立功名玩寇崇妖致茲狼籍後來勲德可誡前車瑄
溥不以善取固且凶終瑾持此狼心安逃虎口王綱之紊羣盜及茲
復何言哉

贊曰二者撫運居安慮危不以德處即為盜亂乾坤盪覆生聚流離

讀史章疏可為游漢

唐書列傳卷第一頁三十一

